


JIWI JA KIYUKILO

 Twajijilaitu na kwimanako mu kakimye kacheche mu Kyeenyi kya Nkambo. Twayai tutange kufuma mu Kyambo Kyanji, mu Kulupuka, mu kypapitala kyabu 4.

... Mosesa wamukumbwile mba, Bino, talai, kechi bakangitabile ne, nangwatu kumvwa ku jiwi jami ne: pakuuba bakamba mba, Aye YEHOBA kechi wamweka kwi obewa ne.

Kabiji aye YEHOBA wamwambijile mba, Ikikakyo kiji mu kuboko kobe? . . . aye amba, Kamama.

Kabiji waambile mba, Kataye panshi. Kabiji wikataya panshi, kabiji kaalukile ke muloolo; ne Mosesa wanyemako.

Kabiji aye YEHOBA wamwambijile Mosesa mba, Tanyika kobe kuboko, umukwate kulumenzo. Kabiji watanyikile kuboko kwanji, ne kukwatako, ponkapo waalukile ke kamama mu kuboko kwanji:

Pakuuba betabile mba YEHOBA Lesa wabashakulu babo, Lesa wa Abulahama, Lesa wa Izaka, ne Lesa wa Yakoba, wa kumwekela.

Kabiji aye YEHOBA wamwambijile jibiji mba, Pano twezha kobe kuboko mukachi pa kyaji kyobe. Kabiji watwezhezhe kuboko kwanji mukachi pa kyaji kyanji: kabiji byo ekufumishemo, talai, ke too mbumba pamo nobe mabebe.

Kabiji wamwambijile mba, Twezha kobe kuboko mukachi pa kyaji jibiji. Kabiji watwezhezhe kuboko kwanji mukachi pa kyaji jibiji; ne pa kwikulupulamo pa kyaji kyanji, kabiji, talai, kwaalulukile nobe mubiji wANJI mukwabo.

Kabiji kikeya kufikizhiwa mba, inge babula kukwitabila, nangwa kumvwa ku jiwi ja kiyukilo kitanishi ne, baketabila jiwi ja kiyukilo kikwabo.

Kabiji kikafikizhiwa kuuba mba, inge kechi bakakwitabila obe ne, nabiyukilo bibiji, nangwatu kumvwa ku jiwi jobe ne, ukatapulemo meema mu mukola, ne kwietulwila pa mushiji wauma: kabiji aa meema o watapula kufuma mu mukola akaluka ke mashi ponka . . . pa mushiji wauma.

² Twayai tukunyike mitwe yetu tulombe. Bino muji na kyakukabila, ano mabaanga, alo lomubena kukeba kuyukisha

Nkambo, sutulaikotu maboko enu ne kwaamba mba, “Nkambo, vulukai amiwa. Njina kyakukabila.”

³ Taata Wetu Wamwiulu, ke tufwenye kwi Anweba ne jikwabo ano mabaanga, twavuluka mba byo tubena kukunyika mitwe yetu kutazha kulukungu konka kotwafumine, kabiji, inge Anweba mwabanda, tukabwela jibiji kulukungu. Bino kasa tuji naluketekelo lwapeshiwa lwa mulaye luji mwi Kilishitu, amba bonse baji mwi Lesa Kilishitu ukeya Nabo pamo. Twi—twimusachila Anweba pa yuwe mulaye walukumo. Kabiji Nalomba, Lesa, amba Anweba musakwibavuluka bonse basutula maboko abo, ne kwami nako, Nkambo.

⁴ Mbena kulomba, bufuku bunu, mukupezhako kwa uno awala wa lwitabilo, amba Musakwibapa bantu alwa lwitabilo bufuku bunu, amba aye Nkambo Yesu usakwikala wa kine bigi ku umo wa mwiatweba, kya kuuba mba kechi kusakwikalapo muntu waakokelela mukachi ketu bufuku bunu ne. Yese ndengamambo avuluke mba uji Mukyeenyi kyakwa Nkambo Yesu, kabiji alapile kububi bwanji, kabiji apane muchima wanji kwi Anweba, kabiji ayuzhiwemo na Mupashi, muano maawala atama apelako, byo tubena kumona nobe kivule kikatampe kibena kukumbana panopantanda.

⁵ Twalomba, Lesa, lutangijilo lwa Bulesa, bufuku bunu, bwa kwamba kabiji ne bwa kuteleka. Pano aye Mupashi Wazhila asende ino mbung’eno pakino kimye kabiji ne kutebula Shinkwa wa Bumi ku umo umonka mwayila kukabila kwetu, mambo twaipuzha mu Jizhina Janji. Amena.

Ngiikalaiko.

⁶ Naketekela mba bufuku bunu tusakukonsha kufikizha akya kyo tubena kweseka kubuula bantu amba bekimone, bu—bukine bwa kwikala na lwitabilo mwi Lesa.

⁷ Bino, keesha mabaanga pa tuu-sate, bonse baji na bitupa bya milombelo bakalombelelwa. Kabiji pa kushinikisha amba kafwako washalapo ne, kwakubula bitupa bya milombelo, kila bufuku tupana bitupa bya milombelo. Kabiji ukapana ne jikwabo keesha, nobe. . . Amiwa nafwanyikizha, nobe wanu-sate nangwa kintu kimo kiji byonkabyo, mbung’eno kasa ikyangye kutapa. Kabiji ne bonse bakeba kulombelelwa, nangwa uji yense wabatemwe benu, mwibaleka baiya ne kutambula kitupa kya milombelo. Abo kine ba—ba katambulwilwa ku kitupa kya milombelo. Kabiji tubena kuya. . .

⁸ Mbena kukeba kulombelela bantu, na kwibabika maboko kabiji ne kwibalombelela. Pano umvwe lwitabilo lwenu kechi lwakonsha kwimana mu Kyeenyi kya Nkambo Yesu ne kumutambula Aye nobe Wimubuka, kabiji mwaketekelatu amba inge twalomba ne kubika maboko pe anweba, akyo kya konsha kukwasha, kyawama, atweba tuji pano kuuba kiji kyonse kyo mukeba.

⁹ Ene mambo opwishisha kimye kypawa, kubanda, kumona mba uji yense ye Nakonsha, awa wafwainwa kufwenya ne kutambula Lesa kupichila mubibye. Kabiji kechi tuji na byavula ne. Kuji. . . Kishimikwa kechi kyabaya ne, kabiji oene mambo otubujila kwikala na bantu bavula ne. Kabiji twakonsha kusenda ja keesha mabaanga ne kulombelela bonse botuji nabo muno, kubikako mabaanga namambotu akyokyo, kya kulombelelatu bakolwa.

¹⁰ Kabiji tuji pano kuuba kiji kyonse kyo twakonsha pa kukwasha kulengela bwikalo bwenu bwimuwaminako, kupeleshako kisendwa, mululwe lwendo lo tubena kwenda.

¹¹ Kabiji pa kimye kiji kyonse, apo uji yense po omvwa mba—mba nakonsha kutemwa kwiya kwi Nkambo Yesu, nangwatu kikale lubaji ka lwapwijilo lubena kubiwa, iyaitu pakyoka kyo kimye. Kechi mwakonsha kupembelelatu kana lwito lwaubiwa ne. Kechi mupembelele poso lwito lwapewa ne. Mwaiyatu pa kyonkakya kimye, mutambule Yesu, kabiji ne kwiya na kumushimuna Aye pakyoka kya kimye. Mambo akyo kyokine kitu kyakwikela kuno, ke kumona myeo yasemekwa mu Bumfumu bwa Lesa.

¹² Kabiji bino, keesha ke pa Mulungu, kabiji kukekala Sukuulu wa pa Mulungu, bipwilo. Ne ene mambo otupwijila mukimye kya mabaanga, pa Mulungu, kiji byo byo pa kuuba mba kechi twakatazhapo pwijilo iji yonse ne. Twaketekela mba Mwinakilishitu uji yense wafwainwa kwikala na—na kipwilo pa muzhi panji ako kobaya. Mwinakilishitu yense wafwainwa kusambankanapo na baitabila kutu kumo. Kabiji ko musambakena, akya kyo kipwilo.

¹³ Bino, inge Ngikala kuno, Nafwainwa kulamata kukimo kya bibye bipwilo biji kuno, ne babo bakafunga kukwe, botubena kukwatakana nabo, baimenako. Kika? Mambo baji kuno bayikala ku pulatifomu, bamweke ku bantu bonse, kyalumbulula mba baitabizha bibena kubiwa. Baketekela muyuwe musango wanyingijilo, lubuko lwa Bulesa, lubatizhilo lwa Mupashi Wazhila, ne bikwabotu. Baji pano nakupana bukamonyi kukikye. Boba ngichile amiwa pa kuuba mba ngiye kuno, amba apo kape mwingilo ye ampa Nkambo wakonsha kukwasha bipwilo byabo.

¹⁴ Pakuuba awe ye kafunga wakine, ao ubena kupembelela buwame bonse bwa bumupashi, bwa byonse Lesa byo abena kuba, kabiji amba ubena kwesekesha nabuyuke bonse amba akwashe kipwilo kyanji kwendela pamo ne Lesa. Amiwa kine napana mushingi mukukomoka kafunga wamusango yewa.

¹⁵ Kabiji babo bantu baubilenga kikye nakushupikwa, ne apo. Mwakonsha kuketekela kyokyo kwikala kyabukine. Bekyubilenga kye nakukatazhiwa. Kabiji Amiwa—Amiwa kine nasanta bingi pa babo banabalume bakatampe bakwa Lesa, abo

babena kuswa kutola kifulo kyabo ne pa kwingijila mwayila kushiniinwa kwabo, kabiji—kabiji baketekela. Lesa ebapeshe kimye kyonse!

¹⁶ Kabiji Njina luketekelo kuuba mba bakemubila byawama. Bino, umvwe wimwenyi muno, kebayi babo balongo kobaji na bipwilo byabo, konse kobatanwa. Kebapepulai keesha. Bakekala na pwijilo yapusanako, kabiji kuji bamingilo kuno abo bakambaanga ku bipwilo byapusana pusana, kabiji monka mobabijikila. Nanchi kekalai nabo keesha.

¹⁷ Kabiji nanchi keesha mabaanga, inge mwakeba kwiya kupwijilo ya kunshika, tukekala nalusekelo kwikala nenu. Bipwilo byonse, madinominesheni onse, ke kyamuntu yense. Muntu yense watambulwilwa: Methodist, Baptist, Presbyterian, Pentekosito, church of Christ, church of God, Katolika, Orthodox Jew, batushi, musango yense ye ujimo. Atweba twi. . . Mwaitwa.

“Mwaamba mba, ‘Batushi?’” Ee, mwane.

¹⁸ Inge mutushi waiya kupwijilo ne kwikala waikala kabiji wilama bulongo, ne aye watambulwilwa nobe bijitu bantu bonse. Kyawama. Paji kintu kimo, kyo tubena kumukebela kuno, akyo kintu kimo kyafwainwa kubiwa kyakonsha kumukwasha kumona kilubo kyanji, ne kwiya kwi Nkambo. Mambo atweba. . . Kinetu.

¹⁹ Baanga bakitangapo kimwesho kicheche akyo kyanembelwe nabuuku wabyambo waba Christian Business Men, kabiji Naketekela acheche akwabo mabuu-. . . , a, *Kumona Bushiya Bwa Kipembe Kya Kimye?* Bino akye ke kyakine, balunda. Kechi mwakonsha kushalapo pa kikye ne. Na—Naikala muntu wapusanako kufumatu pakyokya kimye. Nayuka mba akye ke kyakine, nanchi Na—Na—Naketekelatu mba kafwako nangwa umo ukashalapo kuya Mwiulu mukatampe amo Lesa moanengezhezha baitabila. Inge mwikyuba, kika kyo mwanonkelamo panopantanda? Mambo, kechi mwayuka kimye kyo mukafuminamo panopantanda ne. Bino mwayuka kintu kimo, muyukishe mba mukekishatu. Nanchi umvwe akyo kyakine, nishi twakonsha kumweka bingi kukosama inge twaeseka ku—kutambula nobe. . . Kechi twakonsha kupulusha bimye ne. Monai, vulukai mba, ketekelai Kyambo kya Lesa kabiji ne mulaye yense Ujimo.

²⁰ Pano vulukaitu, kika kyalengejile misongo yonse, kikola kyonse kya muchima, lufu luji lonse, lukatazho lonse, bulanda bonse, awe mwaana wamuचेche wazhikwa, byonse bye bintu, bilema, bumpofu, kipatela kyonse kikashimikwa? Mambotu muntu umo wakakelwetu kuketekela mu kakintu kamo kacheche ka Kyambo. Ao wajinga Eva. Satana wamupele kyo amvweta peulu. Kechi kumwambwila ne, pakuuba

wikimvwetele kwi aye, ne kwaamba mba, “Kinetu...Aye Nkambo wakila mukuwama.”

²¹ Mumvwa kyabaya bingi leelo pakikye amba uji, Lesa kwikala Lesa wawama. Aye ye Lesa wawama, bino vulukai Aye ye Lesa wabuzhile, ke Lesa ubula kusula bubi. Futo yamambo ya lipilwa kala, kabiji wafwainwa kwiyiswa mwaila ndoonda Yanji. Kabiji vulukai, Aye ye Lesa uzhingila, ke Lesa wabukaji. Kabiji waimana kumeso akwa Lesa wabukaji, kechi ye Lesa wa buwame kabiji ne lusatu ne. Bufuku buno Aye ye Mupulushi wenu; aja Juba Aye ukekala ke Mutonyi.

²² Nanchi wikale washininwa kuuba mba kechi washapo kintu kimo kyabula kubiwa ne, mulunda. Kechi—kechi kikoba... Kechi kiji na fweto ne. Kechi—kechi kwikyubatu lubilolubilo ne. Wikale washininwa, washininwa ne jikwabo, mambo kechi ukekalapo na jishuko jikwabo ne. Akye kyo kimyetu kyo wapewa, mu kimye kyo uji panopatanda. Vulukai awa mwanamulume munoshi ne Lazalaza.

²³ Paji bingi kimbo kikatampe pakachi kobe ne Aye, akyo kafwako muntu nangwa umo wikyabukapo kala ne, nangwa kechi kukekalapo ukaabuka ne. Mwamona? Umvwe anweba—umvwe anweba mwafwa, nishi byonse pobyapwila. Nayuka namba bantu baamba mba bakonsha kukulombelela wafumamo muoa mapuzha, bino kechi mwafwainwa kwikiketekela akyo ne. Akyo kyapusanako na Kyambo kya Lesa. Mwamona? “Kooka kubandamina kinchi, iko kokiiya kuponena.” Kabiji Yesu waambile, Ayemwine, mba, “Pajinga kimbo, kuuba mba, umvwe muntu wafwa kabiji waya ku gehena, aye kechi wakonsha (nangwa pachechetu ne) kwiiya Mwiulu ne. Kafwako nangwa muntu umo waabukilepo ne, kabiji kechi kukekala ne.” Akyo popapwila bintu byonse, nobe monka mo Nayukila. Kimye Yesu kyo aambile mba po kyapelela, kabiji akyo kyokyonka.

²⁴ Nanchi vulukai mba, kino kyo kimye kyenu, kabiji bufuku buno bwafwainwa kwikala ke jishuko jenu japelako.

²⁵ Bushe mwakonsha kukwatakanya kibena kubiwa nyi? Inge mwakonsha kwikimona! Naketekela kechi mwakonsha kulanguluka kwamba byobo, amba Mbena kukeba kwi mongola mutale kumntu ne, nangwa kuketekela muntu umo ne. Amiwa kechi mbena kuuba kyokyo ne, mulunda. Amiwa mbena kweseka kwimutwala anweba muketekele Ao ye tuji mu Kyeenyi kyanji pakino kimye. Yesu Kilshitu, yekatu Lesa ukemutotolweshwa pa joja Juba, uji pano nakwimweshwa Ayemwine mu kyeenyi kyenu, kyonka kintu kyo Alaile amba Ukeyyuba muano moba apelako.

²⁶ Nalanguluka Mulongo Price, lukeelo luno pa kajo kakwiaula, wajikupana kimwesho kyawama bingi kyakwiya ku koonna, kabiji ne kuchipuka ku koonna. Bushe mwikyumwine bulongo nyi? [Kipwilo kyaamba mba, “Amena.”—Waku.] Ee kine. Kyajinga bingi, kyabikwa bulongo.

27 Pano, nanchi vulukai, kimye kimo mu koonu, bino kasa muvuluka mba twafwainwa kuchipuka ao makoona. Nasapwijile pa kyokyo, kimye kimo, kabiji ne kitelele mba, *Masaanga*. Tufika pa masaanga, bimyetu byavula, twafwainwa kuya *mujije* jishinda kabiji ne mashinda apusana pusana.

28 Bino bufuku buno, mu mamineti acheche asakulondelapo palutwe, Nasaka kusenda mutwe wamambo amba—amba: *Jiwi Ja Kiyukilo*. Kabiji pakino kimye kimwesho kyetu kyashikuka, bufuku buno, mu Buuku wa Kulupuka, kabiji *kulupuka* kyalumbulula mba “kutatula kufumamo; kulupulwamo.” Pano esekai kuteleka bulongo mokyafwainwa.

29 Nasaka kumusapwila kwi anweba kimye kimo, mwijibumba jawama bingi, bino kechi njina jiwi ne. Bino ke kukatazhiwakotu pacheche pakyokyo, kabiji Nayuka byo kyafwainwa kwikala. Nafwainwa kukokolokako pano pacheche, pepi nobe moba eiti nangwa teeni, kasa kyangye kutapa pwijilo ikwabo. Monai, kechi kijitu yonka ino pwijilo imotu ne. Ke pwijilo, juba pa juba, mulungu pa mulungu, ng’ondo pa ng’ondo, mwaka pa mwaka, monai, kabiji mwakonsha kutwelelamotu.

30 Kabiji langulukai bimye byonse, mwaka pa mwaka, kechi pakikalapo kimye kimo kyo Aambapo kintu kiji kyonse kanatu kyalumbuluka, kanatu kyabukine; mu milaka yonse, kuzhokoloka ntanda yonse, bimye binga sebeni. Mwamona? Kafwako muntu, kuji konse, wakonsha kwaamba kanatu kyaikala kyalumbuluka, kyafikizhiwatu pakimye kyaitabilwa, bimye byonse. Inge waamba mba kintu kimo kikamweka, kyamwekeletu pa bimye kyaitabilwa mujokaja jishinda. Wikyaamba mumilungu ne bang’ondo, kabiji ne myaka, nangwatu, kasa kikyamgye kumweka, kabiji kimye kyonse bifikizhiwatu kyalumbuluka pakimye kyaitabilwa. Nangwa jimo kukakalwa ne, kabiji kechi kikobiwa ne, mambo ke Lesa. Bino, Nakonsha kukakalwa, nobe muntu. Kechi mwafwainwa kutala kwiamiwa nobe kyakumwenako ne, mambo Amiwa—Amiwa jitu pamo ne anweba, ndengamambo wapulukilatu ku lusa. Bino awa ke Lesa, wabulume bwakilapo, monai, ubenakwimweshwa Ayemwine. Aye kuuba wauba kyokyo ne, bino Walaile mba Ukeyyuba.

31 Yesu wabukile mambo akuuba mba kifikizhe Kyambo. Aye waubile bibye bintu mambo akuuba mba Kyambo kya Lesa kifikizhiwe.

32 Akye kyo abena Kwikyubila mubuleelo, amba Kyambo kifikizhiwe, kyo Ng’ambwila kwianeba, bufuku pa bufuku.

33 Pano monai umvwe Kyeenyi Kyanji kyaikala pepi, Akyo, kyakine, Kileta ng’umvwino ya kumubiji. Nobo byo Najikwamba lukeelo luno, “Kintu kyonse kyabula byakuvwa kumubiji ke kintu kyafwa.” Kabiji bupopweshi bonse bwabula bya kumvwaumvwa kumubiji ne, kyawama ne kwikizhiika, kyafwa.

Kileta ng'umvino kumubiji. Aye witusangula. Bino umvwe twasangwiwa, twayai tuvuluke Kika kitusangula. Kika kikyubile? Ke Kyeenyi kya Mupashi Wazhila, Yesu Kilishitu mukachi ketu, kwimweshwa Ayemwine amba Uji mumi. Kechi mubiji wanyama ne mashi ne; umvwe akya kimye, awa mubiji wanyama ne mashi byo akabwela ufuma Mwiulu, kimye nishi kyapwa. Abyo byo byonka. Kabiji twayuka mba tuji monka, kwikala mumoba apelako, kimye abye bintu po bikobiwa.

Bino, Lesa waikalapo kala na kulupuka kwavula kunyuma. Kuji. . .

³⁴ Bintu byonse byenda mu bisatu, na Lesa. Lesa ulumbulukila mubisatu. Kwiiya kutanshi kwa Kilishitu, na *kukula* Musongwa Wanji; kwiiya kwa bubiji kwa Kilishitu, na *kutambula* Musongwa Wanji; kwiiya kwabusatu kwa Kilishitu, na Musongwa Wanji, na kutangijila mu Myaka kiumbu kimo. Bintu byonse byendela mubisatu.

³⁵ Bino, kwaikala kala, kukekala, kulupuka kusatu. Kumo kwamukoko ke, Lesa wibaletele *mu* bwato, pakuuba mba kwikale kulupuka, kupita peulu ya ntanda. Kimye kikwabo kyalondejilepo ke, Lesa wibalupwile *kufuma* mu—mu Ijipita. Kabiji jakulondelapo ke, Lesa wibatwala *mwiulu*. Mukachi, kufuma, peulu! Kulupuka kwa kulondelapo ke kuya mwiulu. Tubena kutala pa kumo pakino kimye, kwa kimye kyakuya-peulu.

³⁶ Kijitu pamo nobe byuba bumi. Twiya *mu* bumi, tufuma *mu* bumi, twimana kuya *peulu* mubumi, ke kintutu kimo. Nachi tuji. . .

³⁷ Kipikichala kyetu kyashikulwa bufuku buno pa kulupuka, kabiji Lesa wanengezhenga kusenda kyaalo Kyanji.

³⁸ Isalela ke kyaalo. Lesa kechi wingila na Isalela nobe pa muntu bunke ne. Isalela ke kyaalo, kimye kyonse wayingijilenga nabo. Kabiji mumoba akupelako, panyuma ya—ya kuya kwa Kipwilo, apo Lesa po akapulusha Isalela nobe kyaalo. Uji muntanda yanji pakino kimye, mukwinengezhezha jimo. Kabiji bakapuluka, Baibolo yaamba mba, “Kyaalo kikasemekwa mujuba jimo.” Lesa kechi wingila na Bayudeya nobe muntu umo ne. Aye wingila nabo nobe kyaalo, Isalela, kimyetu kyonse, mambo ke kyaalo Kyanji.

³⁹ Kabiji paapo Ubena kunengezha kulupula kyaalo kyanji kufuma mu kyaalo kikwabo, mu kulupuka, kufumya bantu Banji muluzhachisho.

⁴⁰ Mambo onka meema ayujiilwemo ntanda, oa pulwishe Nowa. Mwamona? Kabiji yenka Mupashi Wazhila, bantu ye babenakukana leelo, ye ukatambula Kipwilo ne Kwikitwala mwiulu, kabiji ne kuleta luzhachisho paboba babula Kumuswa.

41 Yesu waambile mba, byo Bamwichile mba, “Zelebabuba,” mu byambo bikwabo, Wajinga “ke ubulang’ana byamubumi bwa bantu,” abo . . . Waambile mba, “Nkemulekelako pa kyokyo,” (Aye Mwaana muntu, kitapisho kechi kyapayinwe ne.) “pakuuba umvwe Mupashi Wazhila akeye kuuba kintu kimo, kyambo kimo kyakutala kwi Aye kechi kikalekelwa ne mu inontanda nangwatu mu ntanda ikeya.”

42 Wafwainwa kukaanwa, kufuma popo luzhachisho lwalondelapo. Monai, lukatazho ke lwakuuba mba atweba . . .

43 Kyavulula kimye kimo najishimikila jo Natangile, na kyooba mukulumpe wafuminenga ku kalunga, kabiji awa—awa songwalume wa sapawilo ya Kizungu wayilenga ku kalunga. Kabiji awa wasapawilo wanembele byavula bingi byatala pa kalunga, bino aye kechi wikamwenepo kala ne, nanchi wajinga mujishinda saabena kuya. Kabiji awa mukulumpe kyooba waambile kwi aye mba, wajinga na kashiki mukanwa kanji, waambile mba, “Ubeni kuya kwepi, muntu wami wawama?”

44 Aye waambile mba, “Mbeni kuya ku kalunga.” Waambile mba, “Amiwa kechi ne kamonapo kala ne. Nanemba pe akyo, kabiji ne bakwabo byo baambapo, bino,” waambile mba, “oo, Njibingi nalusekelo pa Kuyuka mba nafwenya kala ku kalunga.” Aye waambile mba, “Oo, kunusha bwema bwa meema amukele! Pa kumona mba kyabaya, mabimbi akatampe abena kwitayayika peulu, kabiji ne jiulu ja kifufya jibena kwimwesa ajo jine, ne kumvwa mashipe byobabena kutumbuka peulu, oo, Naumvwa lusekelo na mambotu amilanguluko ya kwikamona!”

45 Awa kyooba mukulumpe waambile mba, “Nasemekejilwe ponka, myaka sikisite yapita, kechi Monapo kintu kyawama pe akyo ne.” Monai, wikimona javula bingi posotu kyaikala kyapijilwa kwi aye.

46 Nanchi alo lolwine lukatazho lwa kipwilo kya Pentekosito leelo. Kyamona byavula bingi bya Lesa, poso kyapijilwa kwi abo. Kechi mwakonsha kwikileka kyaubiwa byobyo ne!

47 Kuno kechi papita myaka yavula ne, mu Louisville, Kentucky. Ako ko Fuma, Jeffersonville, Indiana, mukola wakilang’anaya. Inetu waendelenga mu shitolo wa teeni-koyini. Kabiji wajinga . . . wajinga na songwalume wamuचेचे mumaboko anji, kabiji wailenga ku kauta kabiji waubielnga lubilo lubilo. Wakonsheshe kutolapo kintu kimo, wikimwesa kusongwalume wamuचेचे; aye wikitajilengatu. Wakonsheshe kuya ku kauta mukwabo, ne kutolapo kintukimo wikimwesa kusongwalume wamuचेचे; aye wikitajilengatu. Kabiji pa kupitapo ka kimye, watolele ka bbelu kakacheche ne kutatula kwikajizha, kabiji kasongwalume kekitajilengatu. Kabiji mwanamukazhi watatwile kujila, ne kutanyika maboko anji. Kabiji bantu bajanga mu shitolo wa teeni-koyini

bamutajilengatu, nanchi bayile kwi aye na kumwipuzha kika kyalubankene.

⁴⁸ Waambile mba, “Njina . . . Songwalume wami wamulume,” waambile mba, “ujitu namyaka isatu.” Kabiji waambile mba, “Na . . . Ponkapotu, pepi nobe mwaka umotu wapitapo, waubile kabiji waikalatu kabiji watajisha mulwelele.” Kabiji waambile mba, “Na—Nanutwajile kuba dokotala,” kabiji waambile mba, “ne badokotala bamupele muchi ne bintu bikwabo.” Kabiji waambile mba, “Kabiji dokotala wakumbula, leelo, amba aye walanguluka mba ujitu bulongo. Bino,” waambile mba, “kechi uji bulongo ne.” Waambile mba, “Nasukenya kyonse kwiaye, akyo kyakonsha kukebula mwanyike wa kimino kyanji, milanguluko yanji. Kintu kyonse kyakonsha kukebula mwaana mucheche wakimino kyanji, Nakitwala koaji, kabiji aye wikalatu na kutala mulwelele.” Waambile mba, “Kechi uji bulongo ne.”

⁴⁹ Akyo kijitu pamo nobe kipwilo kya Pentekosito. Lesa wasukenya kya bupe kiji kyonse, mu Baibolo, kwiabo, kabiji bakikalatu na kutajisha mulwelele, nobe kintu kyatama. Ke kimye kyo mwafwainwa kufuma mutulo, balunda, kimye kasa kikyanyge kupwa ne. Vulukai mba, Lesa kechi usukanya abye byabupe ne kana Ubena kukeba kukebula milanguluko yobe.

Lesa walupwilenga kyaalo kufuma mu kyaalo.

⁵⁰ Kijitu pamo nobe byo abena kuba pakino kimye, ubena kulypula Musongwa kufuma kipwilo, nakushapo bamushala bamulukunwa wa mwanamukazhi. Aba Basalululwa ba kalupulwamo mukipwilo. Kipwilo kya kumubiji kikekala ponkapano ne kupita mukimye kyamalwa aktatampe. Aba *basalwa* kimye kimo betwa mba “basalululwa, basalwa, bamushala.”

⁵¹ Twayai tumone byo Ekyubile mukyokya kimye, mambo Aye kechi ukingya mashinda Anji akubilamo bintu ne. Lesa ujitu najishinda jimo jakubilamo bintu, kabiji aje joshinda Joobilamo, kabiji aje jojishinda jawama, kimyetu kyonse. Monai byo Ekyubile, ne mujishinda jo Ekyubijilemo, kabiji twakonsha kwikala nabuyuke bwakikye.

⁵² Pano, Amiwa ne muntu upashang’anya bintu, kinetu. Amiwa kechi nafundapo ne. Amiwa ntala kunyuma ne kumona byo Aubile. Kabiji twafujishiwa mba, “Alwa Lulayang’ano Lwakala lwajinga kivule kyabintu bikeya.” Nanchi inge Natala papo ne kumona kuboko kwami ne, kabiji bino Namonapo kivule kya kuboko kwami, kabiji Naikala naminwe faivi, Nakonsha kwikala na milanguluko yawama amba umvwe kuboko kwami kwakonsha kwikalapo, Njina minwe faivi. Nachi abya bibamwekejile abo byajinga bya kumwenako byentu amo Lesa moobila bintu, momonka Moobila ne pano.

⁵³ Kabiji mujishinda Moobila, Aye kechi ukingya kufuma kukyokyo ne. Kimyetu kyonse, kupita Baibolo, Aye kechi ukingya mashinda Anji moobila bintu ne. Utwajijilatu mumusango umo, mambo jishinda Njaji jitanshi ja kwikyubilamo jajinga ja lumbuluka. Mambo, Aye kuuba waikalapo najishinda jikwabo ne, mambo aye Walumbuluka, kabiji, Aye, mashinda Anji onse alumbulukatu. Monai mo Ekyubijile.

⁵⁴ Mosesa waichilwe ne kutongwelwa jimo amba ye ukoba yuwe mwingilo, ye—ye ayingijile. Lesa . . .

⁵⁵ Pano, Nalanguluka mba, inge mwakonsha kwikilekela mambo . . . Kabiji kechi Naamba kiky lubilo lubilo ne. Amiwa ng'ambatu, ku uno pulatifomu, Ami—Ami kechi nayukapo kintu ne kabiji kechi nkebapo kuyuka kintu kikwabone kanatu poso Lesa. Bino, Nalanguluka mba apo pakiky balongo betu ba Latter Rain po balubankanako, monai, abo babika maboko umo pa mukwabo ne kwibalenga kwikala ke bangauzhi ne bikwabotu. Bino, akyo kechi kya mu Binembelo ne. “Byabupe ne byalwito bikalako pabula ne lulapilo ne.” Obewa usemekwa byonka byo uji. Byo uji, kufumatu ku ntendekelo, byobyo uji.

⁵⁶ Talai ku Bafaliseo mumoba apita kunyuma. Abo bajingatu na kakyeya kacheche, mambo bakonsheshe . . . bajinga na mizhilo, kabiji bayikejile konka ku mizhilo, bino mukachi ka michima yabo mwajinga mwafita byonka byo mwafwainwa kwikala.

⁵⁷ Kabiji kwajinga mwanamukazhi wakepa kamubiji, jiule, bwanji bwazhokolokele . . . bumi-bwanji kuya kulutwe *muno* mwajingatu mwafita nobe byo mwafwainwa kwikala, wajingatu utelwa-bibi, bino mukachi kamuchima mwanji wajinga watongwelwa jimo ku Bumi.

⁵⁸ Kabiji kimye Yesu, Kyambo, byo aishile kutanwako, aba Bafaliseo baambile mba, “Awe Muntu ke Zelebabuba.” Pano kyaubile byepi? Kyafumishepo kakyeya kacheche kobajinga nanko.

⁵⁹ Yesu waambile mba, “Anweba mwiba kwa shenu, diabola, kabiji ne mingilo yanji yo mubapo.”

⁶⁰ Pakuuba awe wakepa, mwanamukazhi wabubipisho byo aishile, kabiji wamwene Kyambo kya Lesa, aye Wikiyukile. Aye kechi waikelenga bwikalo Bwakyo ne, bino aye Wikiyukile. Kabiji bukiji bukijitu byo Kyaambiletu kwi aye, waambile mba, “Naketekela namba Anweba mwi Ngauzhi.” Kabiji Aye . . . Waambile mba, “Nayuka mba Mesiyasa ukoba bibye.”

Kabiji Aye waambile mba, “Amiwa yami Iye.”

⁶¹ Pano kyaubile byepi? Kyatokeshe kufita konse kabiji wamulengejile kwikala watokatu yense. Kika? Amwa mwajinga waikela momwa, lukunwa watongwejlwe jimo ao wajinga

mu...Wajinga mulanguluko wakwa Lesa kitendekesho kya inontanda kasa kikyangye kwikalako.

⁶² Kujitu musango umo wa Bumi Bwape. Inge uji na Bumi Bwape nape, nishi obewa mwine wajinga mumilanguluko yakwa Lesa ntanda kasa ikyangye kulengwa ne. Obewa wilubaji lwa kulanguluka Kwanji, mambo Penape kechi wajinga natatwilo nangwatu kukonsha kupela ne. Obewa wilubaji lwa bunoshi bwakwa Lesa, kimyetu kyonse. Kibena kwimweshatu. Kibena kwiya pakino kimye. Bajitu na kipikichala kimo kyakishaloko kulenga, alo ke lufu, nanchi akya kivule kiiya kwikala ke kitutulu, nishi pano uji mu Musongwa kabiji uji pamo ne Kilishitu, monka Aye moalangulukijilenga. Kijitu pamo nobe mulume ne mukazhi, leelo, nanchi Lesa, Kilishitu ne Kipwilo bikekalatu pamo. Bino, basalululwa, baitwa!

Mosesa wasemekelwe, “mwaana wafikilamo.”

⁶³ Aye Baibolo waamba, mba, umo wa mubangauzhi, Yelemiya, Lesa waambile mba, “Kasa ukyangye kulengwa munda mu bainobe, Nakutongwejile jimo kwikala ngauzhi ku kyaalo.”

⁶⁴ Yaono Mubatishi, kika, wayukanyikilwe mu Binembelo. Isaya, myaka sebeni aduleedi ne myakapo twelufu kasa akyangye kwiya, waambile mba, “Ye jiwi ja umo ubijika mungyetu mba, ‘Nengezhezhai jimo jishinda ja Nkambo!’” Kabiji pepi nobe myaka foolo aduleedi kasa akyangye kumweka ne, kabiji twatana mba, Malakai waamba mba, “Talai Nkemutumina muluwe Wami kulutwe Yami, mukunengezha jishinda ja Nkambo.”

⁶⁵ Monai, aye watongwejilwe jimo. Kabiji nanchi ne onse ma ofweshi akwa Lesa, umvwe baitwa kwi Lesa.

⁶⁶ Inge bafunjishiwatu mukikye, ke kajotu kansono yauma, monai, kuuba kyaikala kintu kikwabo ne. Inge ke jichikichi ja kajo, nishi wapotesha sambu yakusemekwa yobe pa jichikichi ja kajo, obewa ukanekenya bintu pa kuya na kabungwe nangwatu jibumba jimo. Pakuuba umvwe kiji kyakwa Lesa, ukemana na Kyambo, nangwatu kyubiwe byepi, mambo obewa wasemekejilwe kwimana Nakyo.

⁶⁷ Mosesa, kechi kwajingapo nangwa umo wafwainjilwe kusenda kifulo kyanji ne. Kafwako nangwa umo wakonsheshe kwingila awa mwingilo ne. Aye watongwejilwe jimo ku mwingila.

⁶⁸ Kabiji, balongo, nyenga, inge uji na Bumi Bwape nape, watongwejilwe kuubapo kintu kimo. Kapapo mwanamukazhi wawama wa panzubo, nangwatu kintu kimo kikwabo, bino kafwako wakonsha kutola kifulo kyobe ne. Lesa wakulengela kifulo. Kechi weseke kutola kifulo kya muntu mukwabo ne. Ako ke kwipashang’anyatu kwa ku mubiji, mwamona, kimweshatu

mba pajipo kintu kimo kyatama kwiobewa. Ikalaatu byonka byo uji, byonkabyo tu. Kechi wikale kintu kingi ne.

⁶⁹ Bino, twatana kuuba mba Lesa wapaine biyukilo kwi Mosesa kushinikisha kwaamba kwaji ne bya lwito.

⁷⁰ Kabiji kiyukilo kyonse kyakine, kiyukilo kyonse kyakine, akya kyatumwa kufuma kwi Lesa, akya. . . kiji na jiwi kunyuma yakyo. Pano kukakalwa ne. Alwe ke lufunjisho lwami lwapelako pa kikye, mwamona. Kiyukilo kyonse kyakine. . . Bino tuji nabiyukilo byabula kufuma kwi Lesa; Satana wakonsha kupashang'anya pepi nobe kyonse kijiko. Bino kiyukilo kyakine, kyatumwa kufuma kwi Lesa, kiji na Jiwi jakwa Lesa panyuma yakyo.

⁷¹ Lesa waambijile Mosesa, “Umvwe kechi bakaketekela jiwi ja kiyukilo kitanshi ne, nanchi ukobe kikye kiyukilo kikwabo kumeso abo. Kabiji umvwe babula kumvwa kyokya, ukatoletu meema ne kwiechila pamushiji.” Kabiji akye kyajinga kiyukilo akyo kikebatwala mu mashi abo abobene.

⁷² Talai, kijitu pamo nobe byonka byo Aambile, “Kutayi lukungu kumaulu enu. Kikekala kijiko nalusa ku Sodoma ne Gomola, pa joja juba, kukila byo kikekala ku yewa muzhi ukemukana.”

⁷³ Bino kechi tubena *kukaya* kipwilo ne, akye *ke* Kipwilo. Kilishitu ke Kipwilo. Atweba tuji mwi Kilishitu. Awa Mubiji wa Kilishitu wafyamika, tusemekwa Mwiaye. Obewa kechi wakonsha kwinungako kwi Aye ne.

⁷⁴ Nayikala na kisemi kyakwa Branham pa myaka fiifite-faivi, kabiji kechi bakingipuzhapo kutwelamo mukisemi ne. Amiwa nasemekelwe Branham.

⁷⁵ Kabiji abyo byobyo uji nobe Mwinakilishitu. Obewa wasemekwa Mwinakilishitu, kechi watwelamotu ne. Obewa wasemekwa monka. Bantu bonse bachiina kusemwa. Banji najishinda jabulamo ndochi ja kutola kuboko, nangwa kufwachikatu pakakitupa, nangwa kusukanyatu mukele ye bavwanga na meema. Akwa kechi kokusemwa ne. Kusemwa ke kintu kyatama. Kusemwa ke—ke kintu kyakila mukutama. Amiwa kechi natako muchima nangwa inge kiji mukijiilamo bangulu, nangwatu butala bwakajo kabanyama, nangwatu mukipatela kyobawamisha bulongo; lusemo ke kintu kiji na busaaji, kabiji kileta busaaji kwi obewa. Kechi ubena kukeba kwikileka ne, kechi ukeba *kikye*, *kyokya*, nangwa *kikwabo*, bino mipolo ikomvwa pechi kufuma mukilungi kyobe ne kukulengela kwikala muntu wapusanako. Inge wasemwa jibiji, kikakulengela kwikala wabusaaaji, bino mukafuma kilengwa kikpya. Mwamona? Kechi bakeba byobyo ne. Abo bakebatu jishinda japeela, mwayukatu, kabiji kechi kujipo mashinda apeela ne. Nobe lwimbo, waambile mba, “Nkekala kulubaji

lwa bacheche ba Nkambo basulwa.” Aye kechi ukeba kwikala kijimwa kikoma lubilo ne.

Kyonse kiyukilo kyakine kyakwa Lesa kilondelwa na Jiwi jakwa Lesa.

⁷⁶ Pano umvwe muntu wapana kiyukilo mu kyaalo, nangwa kimye kiji kyonse, kabiji aja jiwi joamba kunyuma yakyo jabula kwikala Kyambo kyakwa Lesa ne, nanchi jikeketai, kwijiketekela ne. Inge sukuulu wakala, umvwe muntu waimana ne kwaamba mba, namwasha kiyukilo kyafuma kwi Lesa, kabiji mino awa muntu lufunjisho lwanji ke yoya mfunjilo yomuji nayo yonse ye myaka, Lesa kechi ye watumine kyokya kiyukilo ne. Talai kunyuma mu Binembelo kabiji mumone inge byokyajinga. Kebakebai mu Binembelo. Awa muntu wawela jibiji, ne kwaamba mba, “Bino atweba bonse tubena kukeba kutwela mu *kikye*. Ke kintu kyayikajikwa kyakala.” Kechi mwiketekela kyokyo ne. Tusakuya mukyokyo, mu mamineti acheche, monai. Ine, kechi mwaketekela kyokyo ne.

⁷⁷ Lesa kimye kyonse ushinikisha biyukilo Byanji. Biyukilo bifuma kwi Lesa kimye kyonse byaamba Jiwi ja Lesa.

⁷⁸ Kabiji umvwe ukijitu sukuulu umo yeka wakala ye mwajinga nanji, kika kyo Afwainwa kupaina kiyukilo? Obewa uji kala mukachi kakyo. Aye ubena kukeba kukutwala mu koono. Kiyukilo kya kyakwimana! Endai bitende! Talai kwepi komubena kuya! Anweba musakwitaya anwebabene kungi kwabula koono inge kechi mwakonsha kunkeketa ne. Panji koono wabaya bingi, kabiji kimye kyonse patanwa kiyukilo kasamukyangye kutana yuwe koono ne, kukukanya kutanwa mu mapuso. Kabiji bayuka bulongo kulenga mikwakwa bapana biyukilo. Kabiji ne atweba tubena kuya mu mukwakwa wa kuya ku Lukumo. Kabiji inge kiyukilo kyaambatu kyoka kintu kimo kyakala, kechi kyafuma kwi Lesa ne.

⁷⁹ Lesa upana biyukilo mu kukebula milanguluko ya bantu Banji. Biyukilo byayikelako kukebula milanguluko ya bantu bakwa Lesa, biyukilo bya Lesa byobiji. Lesa biyukilo byanji bipewa mukukebula milanguluko ya bantu bakwa Lesa.

⁸⁰ Apo kipupu kyatemenenga kyajinga kiyukilo kya kukebula ngauzhi, kweseka, mambo ngauzhi wanyemene kufuma kwi Lesa, kabiji Lesa wapaine kipupu kitema kikale ke kiyukilo. Kabiji wamwene akye kiyukilo kyenye; waambile mba, “Nsakukoneka mone kikye kiyukilo kyenye byokiji, kyakuuba mba—mba kipupu kibena kutema mujilo bino kechi kibena kupya ne.” Bino Lesa wakebwilenga milanguluko ya ngauzhi Wanji wanyemene. Aye wafwayijilwe kutoola mukwabo, bino watongwele Mosesa kwingila yuwe mwingilo kabiji kechi pajipo mukwabo wafwainwa kutoola kifulo kyanji ne.

⁸¹ Mulwendo, balongo bakwabo baesekele kwikyuba, mwayukatu. Datani waimene kabiji wakebelenga kulengamo

kabungwe. Lesa wabuujile Mosesa mba, “Ipatule obewa mwine. Amiwa Nsakwibamina.” Mwamona?

⁸² Lesa wingila na muntu umo. Mwamona? Pano monai kikye, Aye wakebelenga kukebula milanguluko yakwa ngauzhi, pakuuba mba ngauzhi ekale pa kifulo kyaitabilwa, monai, kabiji Aye wapaine kiyukilo kya kupya-kipupu.

⁸³ Kabiji, talai, aja Jiwi jalondejile kiyukilo jajinga Jiwi ja Kyanembwa. “Naumvwa kujila kwa bantu Bami, kabiji ne kubiza kwabo, na mambo a bakulumpe bebapa mingilo, kabiji Navuluka mulaye Wami.” Amena. Akyo kyapwisha mambo onse. “Navuluka mulaye.” Aja jajinga Jiwi ja Kyanembwa. “Kabiji Mbeni kukutuma kuyako. Naikila na kwibapokolola, kabiji Mbeni kukutumako.”

⁸⁴ Vulukai, Lesa ubapo kintu kwakubula muntu ne. Mwayuka kyokyo nyi? Akyo kyokitutwisha bantu. Mwamona?

⁸⁵ Akyo kyokibatutwisha na mambo akwa Yesu. Abo baambile mba, “Obewa wi Muntu, ubena kwitumbijika Obewa mwine kwikala Lesa.” Aye wajinga Lesa, bino abo kechi bekiyukile ne. “Kyawama, Obewa, wi Muntutu.”

⁸⁶ Aye waambile mba, “Kyawama, anweba mutela ba ngauzhi mba, ‘balesa,’ kabiji mizhilo yenu yikitabizha. Kabiji umvwe mwibeta mba ‘balesa,’ ako kwiya Kyambo kyakwa Lesa, pano mwakonsha Kuzhachisha byepi inge Naamba namba Amiwa ne Mwaana wakwa Lesa?”

⁸⁷ Monai, biyukilo, byakukebula milanguluko. Kabiji, vulukai, umvwe milanguluko yakebulwa bino kyaikalatu mu musangotu umo, nishi kechi ke Lesa ne.

⁸⁸ Bino papo Lesa ubena kweseka kukebula ngauzhi, kabiji Aye wamupa kiyukilo, kabiji ne Jiwi ja londejile kiyukilo jajinga Jiwi ja Kyanembwa. “Nebamona bantu. Naumvwa kujila kwabo. Navuluka mulaye Wami.”

⁸⁹ Pakino kimye Lesa ukamba kupichila mu Kyambo Kyanji kyalailwe. Wafwainwa kutuma ngauzhi Wanji, mambo Kyambo kiiya ku ngauzhi. Aye Baibolo waamba, Lesa waambile mba, Ayemwine, amba, “Aye kechi ubapo kintu nangwa kimo ne kana patanshi Wikisolola ku bakalume Banji bangauzhi.” Mwamona? Kabiji pano, kiyukilo kyapanwa, kabiji ne Kinembelo kyayukanyikwa, aja jo Jiwi ja kiyukilo.

⁹⁰ Monai Jiwi ja kiyukilo, jakwa Mosesa? Patanshitu, kiyukilo kyajinga kipupu kibena kyapya; Jiwi jajinga Kinembelo.

⁹¹ Mosesa wasendele kyokya ke kiyukilo Kyanji, kabiji wayile kookwa ku Ijipita kabiji wakobile kiyukilo Lesa kyo amubuujile; kabiji akya kiyukilo kyajinga na Jiwi, ne bantu baketekejile kabiji byobyo balupukile. Kabiji kimye kyonse kyo baendelenga, baubilengatu bulongo; pakuuba umvwe batatula kunyinyita aja Jiwi, apo baimenetu.

⁹² Vulukai, Isalela waendele. Bushe mwayuka palepa pobafikile nyi? Bafwajilwe kwikala... Bajingatu mamailoshi foote, kabiji bekyubile pa myaka foote. Kika? Ke mambo akuuba mba batatwile kunyinyita Jiwi aja jamwesheshe kiyukilo. Abo kechi bayukile nangwa pachechetu ne, byo babijikilenga kookwa ku kitulu, ne kuzha mu Mupashi, kabiji ne Mosesa waimbilenga mu Mupashi, bajingatu moba acheche kufika. Pakuuba byo batatwile kunyinyita, ne kukeba kuuba kintu kyapusanako; kabiji baikela myaka foote mungyetu, ne konaunwa monka mwatu, abyo ibyo, mambo kechi baketekejile ne. Lesa waambile mba, “Kechi babena kwambila obewa ne, Mosesa. Babena kwambila Amiwa.” Aja jajinga Jiwi jakwa Lesa, kechi Mosesa ne.

⁹³ Pano talai, Yehoba ukamba ku mulaye wa Kyambo Kyanji, nanchi Aye wafwainwa kutuma bangauzhi Banji. Amba, inge mubena kukeba kumona kyokyo, kiji mu Ntendekelo 15:16. Twatana kuuba mba Lesa wabuujile Abulahama, “Lukunwa obe ukekala mu kyaalo kya bwenyi, kabiji Amiwa nkebalupulamo na kuboko kwa bulume. Bubi bwabena Amoli kechi bwakifikila ne.” Yonsetu milaye Yanji yo Apana, apo ubena Kukebula ngauzhi, na kipupu kibena kupya.

⁹⁴ Pano umvwe kipupu kyapilenga kyaambile mba, “Mosesa, Lesa ye Lesa.”

“Ee, Naketekela kyokyo.”

⁹⁵ “Oo, ubena kubatu bulongo, Mosesa, twajijilatu. Wasongola mwanamukazhi wawama; ke mwaana wawama. Kine wajinga na mwaana wamulume wawama! Lukumo lwikale kwi Lesa!” Awa ke sukuulu umo wakala. Mwamona?

⁹⁶ Bino Wajinga winengazha kubapo kintu kimo, nanchi Wafwayijilwe kukebula muntu. Kabiji Wamupele muntu biyukilo bibiji byakwingijisha, ne kwaamba mba, “Kila kiyukilo kyajinga Jiwi.” Akyo kiswisha amba byobyokiji. Pano monai aa Mawi byo aambile, ne kulengatu. Yehoba wajinga winengezha kuuba mba ambe.

⁹⁷ Nejikwabo, kwiya kwakwa ngauzhi ke kiyukilo. Bushe mwikiyuka kyonyi? Kwiiya kwa ngauzhi, ku nkulo, ke kiyukilo.

⁹⁸ Pano, kechi Natazha mukuuba mba Dokotala wa Bulesa ne. Amiwa kechi natazha mukuuba mba kafunga waitabilwa, kafunga wawama ne. Bonse bo bajitu bulongo. Abo bakalume bakwa Lesa.

⁹⁹ Bino ngauzhi ke kiyukilo. Aye Baibolo byobyoyo aamba papo. Kabiji kyo kiyukilo kyabyepi? Ke kiyukilo kya kuuba mba Kyambo Kyanji ke kifikizhiwe, kifikizhiwe na Jiwi ja kiyukilo kya yuwe ngauzhi.

¹⁰⁰ Monai, kwiiya kwa ngauzhi ke kiyukilo kya lujimuno lwa luzhachisho amba lunji pabwipi. Bushe mwikiyuka kyonyi? Luzhachisho lujitu pepi umvwe muji ngauzhi mu ntanda.

¹⁰¹ Vulukai, kine wakonsha, patanshitu, wafwainwa kushiniikishiwa kwi Lesa kabiji ne Kyambo kya mujoja juba, kabiji pano wauba kiyukilo. Pano monai akya kiyukilo, kyo atongwejile jimo mba kikobiwa. Aye waambile mba, “Inge kyafikizhiwa, nishi kamumvwayi.” Kubala 12:6. “Inge kyabula kufikizhiwa, kutako muchima ne.” Kyafwainwa kwikala ke kiyukilo Kyanembwa akyo Kyoapana.

¹⁰² Kabiji akya kyoapana kwikala ke kiyukilo, kimye kimo, inge Aye ye umotu keesha, leelo, ne myaka yonse, Aye kimye kyonse utwajijilatu nakwikipana. “Akya Kyambo kya Yehoba kyayishile ku bangauzhi.” Abo bajinga Kyambo. Kabiji Yesu byo aishile, Aye wajinga Kyambo. Kabiji Kyambo kiyuka milanguluko ne bikebakeba michima, kimyetu kyonse, kuyatu kulutwe ne kulutwe. Pano monai.

¹⁰³ Kwiiya kwa yuwe ngauzhi, kupana kiyukilo, kya, “luzhachisho amba lunji pabwipi,” kimyetu kyonse.

¹⁰⁴ Twayai tukimanetu pa tumamineti tucheche. Amiwa kechi nsakubanda ne. Twayai tumonepo bamobamo, nobe pa mineti teeni. Kabiji ne mbila yonse yashala, nagwa byonka byo, pa mamineti teeni.

¹⁰⁵ Nowa, ngauzhi pantanda—muyoya ntanda, kiyukilo kya kwiiya kwa luzhachisho. Mosesa, ngauzhi mu ntanda, kiyukilo kya kwiiya kwa luzhachisho. Elaija, ngauzhi mu ntanda, kiyukilo kya luzhachisho. Yoano, ngauzhi mu ntanda, kiyukilo kya luzhachisho lubena kwiiya ku Isalela; abo bachibilweko kupwijijika.

¹⁰⁶ Monai, kiyukilo! Kiyukilo kyuba byepi? Akye kiyukilo ke kya kukebula milanguluko, ne kunengezha basalwa, kabiji bafumepo luzhachisho kasa lukyangye kufika ne. Abyo Nowa byobyoby aubile, wanengezhe basalululwa. Bashalapo, kabiji kika kibamwekela? Akya kiyukilo, kabiji ne Jiwi ja kiyukilo, jizhachisha babulwa kwitabila ne kumunengezha ku luzhachisho. Kilengela basalululwa kwikala benengezha kunyema. Abyo byo byaikelako kiyukilo. Akyo kyo kipainwa biyukilo, na mambo kwiiya kwa luzhachisho. Kuba salululwa, abo bekimona.

¹⁰⁷ Kijitu pamo nobe mwanamukazhi waka mubiji kacheche wajinga na muchima watoka, kabiji mubiji kasa anji wazhilululwa; kabiji na Faliseo bajinga na mibiji yatoka, bino na michima yazhilululwa. Kileta luzhachisho ku umo ne kupulusha mukwabo.

¹⁰⁸ Kabiji lonka luzhachisho lwapulwishe Mosesa, lwazhachishe ntanda; kusapwila kwanji.

109 Kinengezha basalululwa. Pano basalululwa benengezha kuka? Umvwe bamona kiyukilo kyatuma-Lesa, batala panyuma mu Kinembelo ne kumona kanakye kyafwainwa kwikalako. “Ee, kiji bino.” Kyokika? Luzhachisho lubena kupembelela. Apo basalululwa po bateleka ku Jiwi.

110 Pakuuba babulwa kusalululwa kechi batako muchima ne, kabiji baamba mba, “Kafwamo maana. Yaingatu! Atweba tusakutwajijilatu na sukuulu wakala.” Mwamona? Abyo byobyoby baubile mu moba akwa Luther. Abyo byobyoby baubile mu moba akwa Wesley. Ao ye musango mo—mobobila ne pano, jo jishinda jobobilamo kimye kyonse.

111 Bino ke kiyukilo, kabiji kiji na Jiwi aja jilondela kiyukilo. Kabiji aja Jiwi jiyukanyikwa amba Jiwi ja Kinembelo. Pano kulubako kyokyo ne. Bino lamai kyokyo, mambo kape Amiwa kechi nkemumonapo jibiji ne.

112 Amiwa inge Najinga najishinda ja kuuba mba naiya kuno kuntukumo ne kusenda balongo bami bonse, mukimye kyokwabula byakusangululwa bibena kubiwa, kubika tente ne kwikala, juba pa juba, kabiji ne kufunjisha poso—posotu byatwela. Bino Aye wakonsha kuswisha kyokyo ne, kechi Nalanguluka byobyoby ne. Monai, tuji bingi pepi kupelo. Naketekela mba kyoka kino kimye tuji kupelo.

113 Mu buuku wami momwa, mo Ndamina byo na namba. Mu 1933, lukeelo lumo, nenengezhenga kuya ku sukuulu wa Pamulungu, sukuulu wa Pamulungu wa ba Baptist ako Nkonajinga kafunga, Mupashi Wazhila waishile ne kumweshia kuyatu kufika ne ku kimye kya kupelo, kabiji wamwesheshe bintu binga sebeni abyobyoby bikamweka. Nebinemebele. Biji pa kipepala kyakala kya kibobo.

114 Nabujilwe byonkatu Germany byo akashimika Kishilwa kya Siegfried, kabiji ne bena America byo bakapumwa bingi ponkapa, myaka leveni kasa—kasa kishilwa kikyangye kushimikwa.

115 Waambile mba Mussolini ukemana, kabiji ne byo akaya ku Ethiopia, kabiji ne Ethiopia byo “akashindwa kutampulo yanji.” Kabiji amba ukafwa lufu lwabuvu, kwalulwa mutwe panshi maulu mwiulu, kabiji amba bantu banji bakamushipila mate.

116 Kabiji Naambile mba, “Kuji maizimu asatu: Komyunizimu, Fasizimu, ne Nazizimu. Byonse bikapwilakenatu mu Russia, mu Komyunizimu.” Kabiji uka Kato-. . . konauna Kinakatolika. Mukamone inge kechi kikobiwe ne!

117 Naambile mba, “Kukekala ngyalutwe yikobiwa!” Naambile mba, “Namwene myotoka imweka nobe make, ibena kuya mu mukwakwa. Kuji myotoka ibena kuya mu mikwakwa ikatampe, uji nobe kakitu kabena kuzhalulula, kechi kuji kumuzhalulula ne. Namwene kisemi kina America kukaya ngyuka kunyuma ya

motoka.” Banji na motoka pa kyonka kino kimye, inge bakonsha kwikala mikwakwa yaesakana mwakwendela. Kakacheche ka Volkswagen ke jike jalumbulukatu, pamo byonka byatu, kabiji ne myotoka ikwabo pamo. Mwafwainwa kulanguluka, mu 1933, myotoka byo yamwekanga, kuya luno?

118 Kabiji Kyaambilwe jibiji, amba, kuswisha kwa banabakazhi ku vota, kabiji ne byo bakooba . Kabiji ne kino kyaalo, byokiji kipasha, nobe Isalela, baishile mu ntanda ne kufumyamo bene bekalamo, ne kuswana ntanda. Kabiji ne bamamfumu batanshi bobajinga nabo, Divida ne Solomoni, bajinga bamamfumu bachina-Lesa. Byo papichile kimye kicheche, kwaishile Ahaba. Bamuvotejile. Akyo kipona kyajinga na . . . kipwilo kyaalukiletu ke ntanda. Kabiji, twajinga ne Lincoln kabiji ne Washington, monai byokiji leelo. Monai kwepi kotubena kuya pano. Kikwabo kyakulondelapo ikika? Tuji mukimye kya kumpelo.

119 Kabiji ke kiyukilo, ku mubiji, nobe byonka byatu. Kilengela basalwa kwinengezha; kabiji kuzhachisha, kuya kuluzhachisho, awa wabula kwitabila.

120 “Umvwe awe ngauzhi ke ngauzhi wakine, kabiji ne byo aamba byayiya kufikizhiwa,” Baibolo byo aamba, mu Kubala 12:6, “umvwai lujimo lwanji, mambo kyashiniikishiwa amba kechi muntu ne.” Aye—aye ngauzhi ke muntu. Pakuuba Jiwi jakufuma ku kiyukilo kyakukumya ke Jiwi ja Kyanembwa, ke kyashiniinwa, nanchi ke lujimuno.

121 Awe Baibolo wanembelwe na bangauzhi, vulukai. Mu Petelo Wakibiji, ne amo, 1:21. Mu Bahebelu 1:1, namo.

122 Awa Mumbulungwa wa Mujilo, kwi Mosesa, wajinga kiyukilo, amba Jiwi jibena kusaka kwamba. Awa Mumbulungwa wa Mujilo wamwesheshe amba Jiwi jibena kusaka kwamba. Akye ke kiyukilo, Mumbulungwa wa Mujilo. Anweba bantu mwafwainwa kuvuluka amba ku Houston, kechi papitapo kimye kyabaya ne.

123 Mosesa, ngauzhi, ke kiyukilo ku Isalela, amba mulaye ujitu pepi kufikizhiwa. Kimye Mosesa kyo aishile ne kuuba wauba kiyukilo kya bungauzhi, abo ponkapotu bayukile mba usakwibabungizha pamo.

124 Byokiji kyalumbuluka Kyambo kyakwa Lesa mu ndonda, kimye kyonsetu pamo. Pamotu nobe byo Naambile bufuku bwapita, amo Yulimu ne Tumimu, ne bintu byonse, kimye kyonsetu bikumbula kwi Lesa.

125 Twayai tutole ngauzhi ne jikwabo, pa kakimyetu kacheche, Yona. Najinga na kyapitala kyabu 1 kyakwa Yona kyanembwa papo, kyapitala kyabu 1 papo kya bungauzhi bwanji. Yona wafumine munda mwajisabi, kyajinga kiyukilo. Monai, bantu bajinga batushitu. Abo bapompwejilengatu ba lesa

bamutulunga twameema, kabiji lesa-wakalunga wabo wajinga jisabi jikatampe.

126 Baanga bantu beseka kuzhachisha Yona. Amiwa kimye kyonse ngikala kulubaji lwa kwa Yona. Yona kechi wafumine mu kyaswa muchima wakwa Lesa ne. “Tapulo ya muntu waoloka itangijilwa ne Nkambo.” Tubena kukeba kwaamba mba, “Aye ye Yona.” Bino twayai twikisende. . .monka mokyaila, jimotu. Nayuka mba wafwainjilwe kuya ku Ninive, bino Lesa wamulengejile kutwela mubobwa bwato buya ku Tashishi. Kabiji wajinga na lukatazho pa kufika pa kalunga kameema.

127 Yona waambile mba, “Nkasai ku maboko ne ku maulu. Amiwa yami nji mulukatazho, yami ne luleta.” Kabiji byo bamutaile. Kabiji jisabi japichilenga mu meema, jisabi jikatampe ajo ja muminine Yona. Nayuka akyo ke kintu kyakosela ba sayasi pa kuuba mba betabile.

128 Kuno kechi papitapo kimye kyabaya ne, mu Louisville, Kentucky, pepi nobe myaka teeni, bajinga na—na jisabi mukatampe walajile pa—pa motoka wabula mutenge. Kabiji kwajinga Ricky wachepa mubiji, wajinga bingi na maana kukila ne byo akonsha kuzhalulula. Aye waesekelenga kubika Baibolo nobe wabulang’ana bya bubela. Waambile mba, “Mwayuka, muvwa akyo kishimi kyakala kya mu Baibolo, amba jisabi jikatampe ja minine Yona.” Aye waambile mba, “Talai, kuuba mwabika mpila yapita pashingo yanji ne, paji bingi pa kepa. Kyakonsha kwikala byepi muntu-mukulumpe kuya munda mwanji?” Waambile mba, “Mwamona, ke kishipitu kyakala, nobe byonka byo byavulamo mu Baibolo.”

129 Akye kyakila bingi kubaya pa—pa milanguluko yami. Naambile mba, “Mwane, Nakeba kwambapo kintu kimo papo.”

Waambile mba, “Pano mwakonsha kwaamba ka?”

130 Naambile mba, “Mwamona, anweba kechi mwatanga Baibolo bulongo ne.” Naambile mba, “Aye Baibolo waamba mba awe wajinga jisabi mukatampe wapusako. ‘Lesa wanengezhe jisabi jikatampe.’ Awe wajinga washimikwa mu musango ungi, pakuuba mba akonshe kumumina, kyo kyamulengejile wikyuba! Kechi jajingatu jisabi jokaje ne. Lesa wayingijilenga mwingilo wapananako, nanchi Wakebele jisabi japusanako.” Mwamona? Aye kechi waambilepo kikwabo pa kikye ne. Nanchi, byo kwajinga, Lesa wajinga nakintu kypusanako.

131 Nobe kasongwakazhi kakacheche, kimye kimo, kafuminenga ku tabbanako; suki yanji yasakwilwe kubwela lunyuma, kabiji yatezhima, kyabaya poso kilungi kyanji kyamwekele nobe kanyeze ye baubulula. Wajingatu na Baibolo, byo ayilenga.

132 Awe mwanamulume mukote watelwa mba Jim Dorsey wayikelenga ku Utica. Aye wajinga kilubi, mushilikale wakala,

kabiji—kabiji kechi waketekejile mwi Lesa ne. Kabiji waambile mba, “Ubena kuyapi, inetu wakyanyike?”

Waambile mba, “Amiwa mbena kuya kwetu, mwane.”

Waambile mba, “Kika kyowasenda mukwapa kobe?”

Waambile mba, “Ke Baibolo.”

Waambile mba, “Anweba kechi mwaketekela mu kikye ne, kechi ibyonyi?” Kabiji aye. . .

Waambile mba, “Ee, Namuketekela, mwane.”

¹³³ Kabiji waambile mba, “Bushe waketekela aja jishimikila jijimo ja kumina Yona nyi?”

Waambile mbs, “Kika, kine, Naketekela Kyambo kyonse kijimo.”

¹³⁴ Aye waambile mba, “Musa kwikishiniikisha musango mukwabo byepi kulubaji lwa lwitabilo, kyo mutela mba lwitabilo?”

“Kika,” waambile mb, “umvwe Naya Kwiulu, Amiwa nkamwipuzha Yona.” Mwamona?

Aye waambile mba, “Pano umvwe kechi koaji ne?”

¹³⁵ Waambile mba, “Nanchi mukamwipuzhe.” Nanchi Nalangulukile mba akyo kyajinga kyawama bingi kyakumulola. Nanchi Nalanguluka amba akyo kiji bulongo.

¹³⁶ Inge Baibolo waambile mba Yona waminine jisabi mukatampe, Nakonsha kwi kitabila. Aye wakonsha kwikinengezha. Abya byaamba Lesa, Lesa aye wakonsha kwikyuba, kabiji kimye kyonse Ulama Kyambo Kyanji. Nanchi, Yona, tumuletela bisela. . .

¹³⁷ Bushe mwakimonapo nyi? Jisabi umvwe jibena kusamba, jibena kukeba kajo kaajo. Kabiji umvwe jaaja, jiya panshi ne kukokolosha byakowelako ponka panshi ya meema. Jishai jisabi jija mabwe kabiji mukamona kika kimweka. Abo mavumo abo akuta, popo baya panshi ne kubika byakowelako ponka panshi, kabiji jilala ponka pa ne kukokoloka.

¹³⁸ Kyawama, aje jisabi jikatampe janengezhiwa jaishile ne kumina yuwe ngauzhi. Kabiji waile panshi ya kalunga, kabiji kape palepa misiso foote kuya panshi. Aye waile ponka panshi, na kukokoloka ponka panshi ya kalunga.

¹³⁹ Bino kimye kyonse tubena kulangulukatu pe Yona. Kabiji bonse bantu baamba mba, “Nanji kulombelelwa, bino kuboko kwami kechi kujitu bulongo ne. Nalombelejilwe, bino kechi Naumvwako bulongo ne.” Kechi mwafwainwa kwambanga pe Yona ne.

¹⁴⁰ Pano monai bintu byo apichilemo. Pano, kitu kitanshi, wajinga pakalunga paji mukuku, kabiji wajingatu kungi na koamutumine Lesa. Maboko anji ne mauulu akashilwe. Watailwe

pa mukuku, pakalunga pabena kuzhokoloka, kabiji ne jisabi jikatampe ja muminine kabiji waile panshi ya kalunga. Kabiji walajile momwa mu malashila, munda mwa jisabi, matete amukalunga azhokolokele nshingo yanji. Kabiji umvwe watajile ku *lulwe* lubaji, mwajingatu munda ya jisabi. Watajile *kulolwa* lubaji, mwajingatu munda mwajisabi. Konse koatajile, mwajingatu munda mwajisabi. Umvwe mwaamba namambo abya kumvwa umvwa, wajinga nabyo. Bino mwayuka kyo ajinga nakyo nyi? Aye waambile mba, “Kebitu bipwa byonaika. Amiwa kechi katalanga kwiabyo ne, pakuuba jimo jonka katalanga ku tempo Wenu wazhila.”

¹⁴¹ Mambo, Solomoni, muntutu wapano panshi, ao walombelejile mu kupana tempo, waambile mba, “Yehoba, umvwe bantu Benu baikala mulukatazho konsekonse, kabiji batala ku ino mpuzha yazhila, apo mukomvwe Mwiulu.”

¹⁴² Kabiji Yona wajinga nalwitabilo mu byalombele Solomoni. Kabiji Lesa wamupulwishe ku jisabi jikatampe, pa kupitapo moba asatu ne mafuku. Wafwaijilwe kubikamo mwela wakupemenamo momwa. Amiwa kechi nayuka byo Aubile ne, bino Wamulamine mumi pa moba asatu ne mafuku, mwayila Kyambo. Kabiji Kyambo kijitu bulongo.

¹⁴³ Kyawama, umvwe Yona, muyewa musango, wakonsheshe kutala ku tabbanako walengele muntu, ibyepi kuuba kyakilapo pe anweba ne Amiwa ne, bufuku bunu, kutala ku Tempo ako Yesu koayimana ku kilujo kya Bumfumu, na Mashi Anji Mwine, koaikala ng’ambi wa bya kwisolola kwetu, pa makatazho etu acheche! Kechi muzhachishe Yona ne, nanchi talaitu pa byatama kulubaji lwenu. Talaitu ku mulaye, “Lesa ye wikyambile!” Inge mwibaana bakwa Abulahama, “Lesa ye wikyambile!” Ye wapaine mulaye, kabiji momwapwila bintu byonse.

¹⁴⁴ Monai, bantu bonse bayilenga na kuloba, ne kudoosa makonde abo kabiji ne bintutu. Pakupitapo kakimye, watutukile lesa-wakalunga, jisabi jikatampe, jibena kuya kukitulu. Bantu bonse baponejiletu pa manungo abo. Lesa wayuka mwakubila bintu. Kabiji wafikile kukitulu ne kulupula lujimi wanjji, kabiji, byo aubile byoabyo, aye wiya ngauzhi kulupuka kufuma mukanwa ka jisabi jikatampe. Aye ngauzhi! Awa lesa washipijile ngauzhi konka kukitulu. Kechi kyakukumya ne byo balapijile. Mwamona?

¹⁴⁵ Akya kyajinga kiyukilo. Yona byo aletelwe ku jisabi jikatampe, kyajinga kiyukilo. Waubile byepi? Akya kyajinga kiyukilo kufuma kwi Lesa. Panonga Jiwi jaambile mbaka? “Lapilai nangwa konauka, mumoba foote.” kiyukilo kyakwa Lesa; Jiwi jakwa Lesa! Kimyetu kyonse, umvwe Lesa watuma kiyukilo, Lesa utuma ne Jiwi Janji panyuma ya kyokya kiyukilo. Monai, “Lapilai, nangwa mumoba foote uno muzhi yense usakonaika.”

146 Yona ngauzhi kumweka kwanji pantanda, papichilepo myaka foo aduleendi kwakubulapo ngauzhi; kiyukilo pa kupitapo myaka foo aduleendi, pa kuuba mba aye amweke. Akya kimye kicheche kya kukokoloka!

147 Pano umvwe anweba mwiba bumupashi mukwatankanye kyo Mbena kwamba. Lesa ashinkule kukwatankanya kwenu. Papita bimye binga?

148 Myaka foo aduleendi, Isalela wajinga kwakubula kwikala na ngauzhi, bipwilo byaikalatu ke byazhobakana, kabiji pano popa ishile Yoano. Yoano wajinga ngauzhi, kiyukilo kya kuuba mba Mesiyasa ubena kukeba kwamba kumulondela panyuma yanji. Talai. Mambo, Malakai 3 waambile mba, “Amiwa nkatuma muluwe Wami kulutwe Yami, mukunengezha jishinda, mukunengezha bantu.”

149 Talai pe Yona, kechi mwajingapo kwitemwa mwiaye ne. Aye kechi wasendelepo kutumbijikwa kuji konse ne. Baesekele kumutela mba Mesiyasa; bino waambile mba, “Amiwa kechi nafikilamo kukasulula kwabilo Yanji ne.”

150 Bino Yesu byo amwekeletu, Wajinga nakiyukilo, Mumbulungwa wa Mujilo, Kyeya peulu Yanji, nobe kunda wayikila panshi ne Jiwi jaamba mba, “Awe ye Mwaana Wami, Mona Mwena lusekelo kwikalamo.”

151 Monai, kabiji Yoano ponkapotu waambile mba, “Aye wafwainwa kuya kuwa. Amiwa nafwainwa kunkepana.” Wafikizhe Kipwilo kwi Kilishitu. Amena.

152 Twabuulwa mba, mumoba akapelako, akye kikabwelapo jibiji! Kukekala Mbila ikeya, ayo ikabulang’ana Mesiyasa ku bantu. Kabiji kikekala mujishinda jakuuba mba, bakemanatu nzoo byonka byo baubile mukyokya kimye. Aye wikilaile. Kyapitala walondelapo wa Mateyo, wa Malakai, witubula pakikye. Talai.

153 Bamwipwizhe pa kikye. Byubilo byakwa Yoano byamusolwele mu mupashi wakwa Elaija. Pano ngimonai abo bangauzhi babiji.

154 Bino, Elaija wajinga muntu waimene mukimye kya Isalela, mu makatazho.

155 Ahaba wajinga mfumu. Kabiji banabakazhi bonse balondejilengatu Yezebeli, kabiji kimye kimo na mbeyelo imotu kabiji ne bintutu bikwabo, kapepo byonka byokiji ne buleelo. Kabiji bonse balondejiletu Yezebeli. Kabiji ne batufunga balangulukile mba kijitu bulongo. “Balekaitu bunke bwabo. Balekai boobenga.”

156 Kabiji pakyokya kimye, Lesa waimenye muntu kufuma mungyetu, wa jizhina jakwa Elaija. Kechi twayuka ne koafumine ne. Kechi wafunjilepo sukuulu kyakuuba mba wayukanyikwa

ne. Pakuuba waishile, kabiji wazhachishe byonsebya bintu. Aye wazhachishe tanchikilo-yabo yonse.

¹⁵⁷ Inge wakonsha kumweka mumpuzha, leelo, wakonsha kuzhachisha tanchikilo-yetu ne ayo.

¹⁵⁸ Aye wazhachishe yensetu Yezebeli. Kabiji kikye, mukupezhako, aye iye wakatezhe ngauzhi. Wanyemene, nobe Yoano; wakalajile mushi ya kinchi kya yanipa mu kimye Yezebeli kyo akebelenga kumwipaya. Aye wamushikilwe.

¹⁵⁹ Kabiji twatana mba Yoano byo ayishile, kufumatu mujiisaka jibiji, wanji watemwa jiisaka, na mbila wayiletu ku banabakazhi babukatataka baji namasongola apwa kabiji baasongolwa, kabiji babwela basongolwa, aye akya wikichibawile mubipivwa bipivwa. Aye kechi wafuminepo ku sukuulu uji yense ne. Aye wafumine kwi Lesa, muntu watumwa kwi Lesa. Kabiji wazhachishe banabakazhi babukatataka, pa katampe bingi, kabiji kechi wajinga wandwilo ne. Bino waambiletu mba kimye kyafwenya kala pepi, Mesiyasa ubena kukeba kwamba. Talai pa kyokyo.

¹⁶⁰ Pano esekanyai kimye kya kwiya kutanshi kwakwa Elaija na bangauzhi babukatataka leelo, ne kuleka Bayezebeli babo kutenda suki yabo, ne kuvwala tuputula, kupepa tusanga, kyonsetu kyo bakeba kuuba, ne kwibatangijila mubyonse. Kyawatu kubula kwambapo kintu kiji kyonse, kuchina kumusha, ne kutola mukwabo. Kwibatangijila ne kwibatwala mumafunjisho alengwa-nabantu; akyo ke kyabuvu, mafujisho a bantutu. Kabiji, pa kuuba kyokyo, balengela mikambizho yakwa Lesa yaikala yabulamo bulume, mambo bakonsha kutwela mukipwilo ne kushimuna mba Twibenakilishitu, kabiji bekala na sambu ne kwaamba mba Benakilishitu, kabiji ne kutwajijilatu. Abyo byobyoby bakeba. Abyo byobyoby baubile ne kumyuma.

¹⁶¹ Bino, vulukai, ke pakyonkakya kimye kya yewa musango, Lesa poalaile mu Malakai 4, amba Aye ukafikizha Kyambo kibiji. Abyo ibyo. Talai potuji mu buleelo, nobe byonka byokyajinga mumoba akwa Yoano, nobe byonka byokyajinga mubimye bikwabo.

¹⁶² Talai yuwe Amosi wakala wamubiji mucheche byo ayishile, mulunda mukulumpe wa kamubiji kacheche. Atweba kechi twayuka ne koafumine ne. Wajinga wakatangijila jitanga. Lesa wamutwajilenga mumunyevu wa mikoko kabiji ne mumunyevu wa bang'ombe, kabiji, na kumufunjisha. Kabiji byo aishile ku Samaliya, kabiji byo ayimene ne kuya ku katumbatumba mujoja juba, watajile mushi moomwa. Kabiji ne juba kasa jamusamina mu mutwe wanji wakipala, kabiji ne myevu yanji yatokoloka, kabiji meso anji ajingatu pamo ne abena kubembela. Meso anji abulesa azhizhibele, kechi na mambo amwekelo yaba kang'enda boamwene byo baishilenga monka

ne, mambotu akuuba mba muzhi yense wajinga wayulwamo na bubi.

¹⁶³ Awe ye ng'anyi wachechepa mubiji, muntu wabula kuyukanyikwa? Ee, ke Amosi, ngauzhi. Aye waawilenga mumoba akwa Yeleboma wa Bubiji, mfumu wayiletu mungi, walekelenga bantu kuuba kinji kyonse. Bang'anga bonse bajingatu monka. Bashimikile bipwilo byawama bingi. Bajinga navwajilo yawama bingi. Banabakazhi babo bajinga babyubilo byatama. Bavwajilenga monse mobakebela. Bakang'enda bapwijilenga konsekonse, amba bamone basongwakazhi balamba ne byobaubilenga.

¹⁶⁴ Kyajingatu nobe U.S.A. wakatataka, bafwainwa kwikala bantu bakwa Lesa. Kafwako muntu nangwa umo waabilengapo pakikye ne. Kyajinga kyakwachijijila bingi bantu. Fifi- . . .

¹⁶⁵ Pano ke myaka eitiini, leelo! Libeka Wami uji na myaka eitiini, leelo. Myaka eitiini, Napitang'ana mu kino kyaalo, na kuzhachisha bibye bintu. Kabiji umvwe Nabwela, mwaka pa mwaka, bekala bavujilako banabakazhi basuki-yakwichika kukila mukimye kitanshi kyo Natatwile.

¹⁶⁶ Mukatampe, waya kuya musapwishi waki Pentekosito watwajile mu kibamba, papita nobe mwaka umo, wawama, wayukanyikwa-bulongo, muntu wayukanyikwa-pantanda ponse. Aye waambile mba Ami. . . "Mulongo Branham, leka nkuteteke maboko ami pe obewa ne ku nkulombelela."

Naambile mba, "Amiwa kechi ne mulwazhi ne."

¹⁶⁷ Aye waambile mba, "Mambo pajipo kintu kimo kyatama." Ate waambile, "Mulongo Branham, ukonauna nyingijilo yobe. Kafwako nangwa umo ukekala nobe mulumvwang'ano ne. Oene mambo basapwishi kechi banji nalunvwang'ano ne obewa ne; ke mambo amusango ye wibazhachishishamo banabakazhi." Aye waambile mba, "Aabo bantu bakwita mba wingauzhi."

Naambile mba, "Amiwa kechi na kyambapo amba Byonji ne."

¹⁶⁸ Aye waambile mba, "Bino balanguluka mba byo byo unji." Aye waambile mba, "Naketekelatu kintu kimo." Aye waambile mba, "Obewa waitwa mukulombelela bakolwa." Aye waambile mba, "Lombelelanga bakolwa, ne kwibaleka banabakazhi bunke bwabo. Ukozha milanguluko yabo."

Naambile mba, "Mujishinda ka?"

¹⁶⁹ Aye waambile mba, "Kwaamba peabo na mambo asuki-yobatenda ne bintutu bikwabo."

Naambile mba, "Akyo kyatama."

¹⁷⁰ Aye Baibolo waamba mba, "Mwanamukazhi awa—awa utenda suki yanji, mulume wanjiunji nasambu ya kumunkana mumasongola." Kine ibyo. "Wapelula mutwe wanji." Abo byo

byaamba Baibolo. Bino kechi Nayuka ne kana mwatemwa kyokyo nyi nangwa ne, bino abyo byo byaamba Baibolo, mu Kolinda Mutanshi.

171 [Kafwapo kiji patepu ne—Waku.]...vwajilo-yakwata kumubiji poso ne kikoba ke kimweke pangye. Kabiji pano abo—abo baiya, ne kwaamba mba, “Kika, Ba Branham, abyo byo byonka byakuvwala byo bapotesha.”

172 Bakijitu na bipe ne manshinyi akusonenako. Kechi kuji mwakubepela ne. Bena Amish ne banabakazhi baki Baptist bakibivwala byayewa musango. Kine. [Kipwilo kyaponena mutuseko—Waku.]

Kabiji kika kimweka? Balupuka kabiji babwela batwajijilatu.

173 Mwanamukazhi waambile mba, “Kyawama, Ba Branham, Amiwa kechi vwala tuputula ne. Vwalatu m-...” Nanchi byobika, matoloshi aban-...[Mulongo umo waamba mba, “Toloshi wabanabakazhi.”—Waku.] Ee. Waambile mba, “Amiwa ne bivwala.”

174 Naambile mba, “Akyo kyakila mukutama.” Naambile mba, “Aye Baibolo waamba mba, ‘Ke kyabunya mwanamukazhi kuvwala kyakumvwala kyapashang’anya na kya mwanamulume.’” Kabiji ing’anyi musango-wamwenkelo aye mu United States pano! Mwamona? Abyo ibyo.

175 Lekai ne mubulepo kintu kimo, nyenga. Wakonsha kwikala watoka nobe kikwibu, ku mulume obe nangwatu kusongwalume mulunda, pakuuba mu Juba ja Kinje ukazhatwa na mambo akuba bukende. Yesu waambile mba, “Yense utala pa mwanamukazhi, na lukumbwa, walenga kala nanji mambo.” Inge awa ndengamambo wankutala, kabiji ukazhatwa pa Juba ja Kinje. Obewa wimwesheshe obewa mwine kwi aye. Ngiieseke obewa mwine. Uu-uu.

176 Kika kyonsha kulengela mwanamukazhi wabulesa kukeba kuvwala muyewa musango? Pano ke witumbijike mba njina Mupashi Wazhila mambotu waambile mujimi ne kunyema lubilo kabiji ne kutolauka panshi. Kuuba mba, nangwatu, Namona batushi ke bobo bibye, ma Hottentots. Aye Mupashi Wazhila ke kutokeshiwa, buzhile, ne kubula kwizhilulula. Kyakine.

177 Awe mwanamulume waambile mba, “Inge obewa... Bakuketekela obewa kwikala ngauzhi. Kika kyo ubula kwibafunjisha mwakutambwila byabupe bya bumupashi, kabiji ne mwakubila bintu byakwa Lesa? Kika kyoubujila kwibafunjisha byobyo umvwe wingauzhi?”

178 Naambile mba, “Nakonsha kwibafunjisha byepi samushi bino kechi bakonsha ne kufunda ABC’s wabo ne?” Mwayuka mwatala ABC nyi? “Kimye kyonse Kuketekela Kilishitu.” Uu-

uu. Akyo mukeyyuba byepi? Monai, mubena kukeba kufika *popa*, mukifulo kyakutapitala panshi *papo*.

¹⁷⁹ Lesa ukashimika Kipwilo Kyanji pa kintendekesho kyakwa Yesu Kilishitu, kabiji ne kyokyo ke Baibolo. Pangye yakyokyo, ke mushiji ubena kutwela. Lesa kechi waluka ne. Musango wANJI kechi waluka ne.

¹⁸⁰ Aye walengele banabakazhi kwikala bapusanako na mwanamulume, kabiji banabalume nabo bapusanako na banabakazhi. Aye wibavwikile byapusanako, kabiji wibankeba mba bekale muyekawa musango. Mwamona? Banabakazhi bakeba kumweka nobe banabalume, kabiji banabalume bakeba kumweka nobe banabakazhi. Oo, ami! Musangotu wakuya mungi! Ke. . . Kabiji bintu byonse, kyamweka nobe kyakwatatu pa bantu, kabiji kuuba mwikipipula ne. Kyamweka nobe sung'unyi mukatampe, fishi ikatampe; inge mwaumvwa kyo Mbena kwambapo, mu mupashi. Sung'unyi wibakwata bonse, kabiji abo kechi bakonsha kufumako kukikye ne; kyakilamotu musango waki Hollywood, kyakilamotu ma televizhonyi, kyakilamotu bintu byabulamo maana. Bintu byonse byotuji nabyo byaonayika. Kechi kyakukumya ne, "Inge mwingilo babula kumuchibako ne, na mambotu aba Salululwa, kechi pakekalapo muntu nangwa umo ukapuluka ne."

¹⁸¹ Mwaambile mba, "Amiwa kechi nayukile kyokyo ne." Kyawama, pano mwikiyuka, kufuma pa kyokino kimye. Mwamona? Kuuba mba. . . Kyawama ne kileke kikye. Twayai tubwele. Monai.

¹⁸² Yoano wajinga kiyukilo. Kabiji vulukai amba, jishinda jo ekubijilemo patanshitu Lesa, aje jo jishinda jo Akeyubilamo ne jikwabo. Aye walaile kwikyuba. Bino, Lesa kechi waingijishepo jibumba ja bantu ne, pa kimye kiji kyonse, pa kikye ne.

¹⁸³ Vulukai, kwajingapo jibumba jimo mu kimye kimo, ajo, muntu mukatampe watelwa mba Ahaba, aye wamupele. . . aye wamupele foolo aduleendi bangauzhi babena Isalela. Bino, abo kechi bajinga bangauzhi batushitu ne. Foolo aduleendi bangauzhi babena Isalela. Bonse bajinga na madigili ne byonsetu, bajinga na sukuulu mukatampe.

¹⁸⁴ Kwajinga muntu umo wabulesa watelwa mba Yeoshafwata, ao wajinga mfumu wa Yuda, kabiji waishile kobanji. Kabiji apo ipo waitabila po emvwangile na wabula kwitabila. Bintu byayiletu mungi.

¹⁸⁵ Kabiji aye waambile mba, "Limota-Gileda. . ." Pano monai kikye, kyakonsha kwikala kyakine byepi. Aye waambile mba, "Limota-Gileda uji kulubanji lwetu, kookwa. Akwa kulubaji lwa kyokya kyaalo kookwa, akya ke kyetu." Yoshiwa, pa kwabanya ntanda, wapaine kyokya ku Isalela. Kabiji bena

Filisitiya, batushi, bayishile ne kwibangataye. Aye waambile mba, “Awe uji kulubaji lwetu.”

¹⁸⁶ Pano monai byo kyaubiwe, kyabukinetu, bantu bakonsha kwikala mukintu kyaitabilwa bino kabiji Bekipusa. Akya kintu kine kyatinga kulubaji lwa bena Isalela. Pakuuba yonsetu milaye yakwa Lesa, mulongo, paji ne poyaimena, monai, “Umvwe baenda kumeso akwa Lesa.”

¹⁸⁷ Pano talai kuno. Aye waambile mba, “Usa kuya pamo ne amiwa, ne kukwashako kwangata yoya ntanda nyi? Kyawama, akyo, abo banyike bena Filisitiya babena kuyuzha mavumo abo kookwa, na wichi wabena Isalela.” Abyo Kyanembwa kijitu bulongo. Aye waambile mba, “Kwasheko ami kuyako na kwibyangata.”

¹⁸⁸ Waambile mba, “Kyawama, ami...” Apo ponka poapangijile kilubo kyatama bingi: “Bambili bami bobenu, bantu bami bajitu pamo nobe bobenu. Nsakuya pamo ne anweba.”

¹⁸⁹ Kabiji ponkapotu Yeoshafwata watatwile kulanguluka, mwayukatu. “Amba, kechi twakonsha kwipuzha aye Nkambo pakikye kasa tukyangye kuya nenyi?”

¹⁹⁰ “Oo, ee kine,” Ahaba waambile mba, “kinetu. Uu-uu. Ndekelaiko mambo. Na—Najikufwainwa kulangulaka pa kyokyo.”

“Bushe kechi kujipo ngauzhi kuntu kumo nenyi?”

¹⁹¹ “Oo, kine. Njinabo—Njinabo ba—bafunda masukuulu abyambo bya lesa, bakila kuwama bomukyanye kumonapo. Bonsetu bavwala byakumvwala byawama. Bobantu bakila-kuwamisha mukufunda. Ne bafunjisha, kufikapo. Tusakuya twibalete.”

¹⁹² Nanchi baile kookwa. Kabiji bebasendeletu bonse. Abo kechi bajinga babukafutufutune. Balombejile kabiji kulombela kabiji kulombela, posotu byo bamwene kimwesho.

¹⁹³ Pano popo bayishile. Kabiji umo wa mwiabo walengele masengo abiji akyela kyakapotwe. Waambile mba, “Kukikye iko komukashijila bena Filisitiya, nangwatu bena—bena Silya, kwibafumyamo mu kyaalo.” Aye waambile mba, “ABYO BYOBYAAMBA AYE NKAMBO. Yaingatu, aye Nkambo uji nenu.” Bonsetu mwiabo, nanchi, bayijiletu mumo, ne kuponena mu mupashi. Benaisalela bangauzhi baambile mba, “Yaingatu, aye Nkambo uji ne anweba.” (Mwamba mba, “Bushe akyo Kyanembwa nyi?”) “Lesa wapaine abwe buswanyi kubantu, kabiji mulwanyi ye ujinabo. Muji nasambu yakuya na kwikitambula.”

Pano, Pentekositi, Nasaka namba mutolepo lufunjisho papo.

194 Bino, Yeoshafwata, byo ajinga muntu wabulesa, aye waambile mba, “Pajipo kintu kimo kicheche kyakitama papo.” Waambile mba, “Bushe kechi kujipo umo washalapo ne?”

195 “Mukwabo umo, pa foo aduleendi bafujishiwa-bulongo bangauzhi baimana papo?” Monka mobavujila baimana papo panshi. “Baimana mu buumo, babena kwamba mba, ‘ABYO BYOBYAAMBA AYE NKAMBO.’ Kyalululai, ne kwamba mba, ‘Yoshiwa wapaine aya ntanda kwi atweba. Ke yetu. Yainga mukeitambule!’”

196 Bino Yeoshifwata wayipwizhepo mukwabo. Amba, “Bushe kechi kujipo mukwabo kupichila mwiaye ye twakonsha kwipuzha Nkambo nenyi?”

197 Aye waambile mba, “Oo, kwakishalapo umo, bino,” waambile mba, “Namushikwa.” Uu-uu, uu-uu. Waambile mba, “Aye ye Mikaya, mwaana Imula.” Waambile mba, “Namushikwa. Aye kimye kyonse wambatu byatama pe amiwa.”

Waambile mba, “Kechi bamfumu bambe kyokyo ne. Yainga mukamulete.”

198 Nanchi popo batumineko banyema. Kabiji bamo baambile mba, “Bino, Mikaya, Nasaka kukubulapo kintu kimo. Bino, wayukatu byo bakuchibileko kulumvwang’ano abewa, . . . -chibileko kulumvwang’ano, kechi papitapo kimye kyabaya ne, mambo obewa wambatu bintu byatama kubantu. Pano umvwe uben kukeba kutambula kitupa kyobe kya lumvwang’ano, wambetu bintu bimo byo baambapo, kabiji, oo, abo basukukutolatu bakubike ne mumaboko aabo.”

199 Bino aye kyamweketu amba wajinga kine ngauzhi. Aye waambile mba, “Monka mwaikela Yehoba Lesa na bumi, Nsawkwambatu akyo Lesa kyo asakubika mukanwa kami.” Oo! Lesa amupeshe awa mwanamulume. Aye waaambile mba, “Pembelelai poso bufuku bunu, kabiji Nsakumona akyo Lesa kyoasakumbula.”

200 Lukeleelo lwalondejilepo, waambile mba, “Yaingatu, bino Najikumona Isalela wapalang’enamo nobe mikoko yabula kafunga.” Pano popo atolele kimonwa kyanji ne kwikyesakanya na byaambile Elaija, kabiji ne bikamwekela Ahaba. Nanchi Aye wakonsha kupesha byepi kintu kyo bafinga? Nangwatu kikale byepi. . .

201 Twi kyaalo kya bulesa. Akyo kipwilo kya Pentekosito, Baptist, neba Methodist, kabiji ne bakwabotu, baji kipwilo kya Bwinakilishitu, pano obewa wakonsha byepi kupesha akya Lesa kyoafinga? “Amiwa kechi natako muchima ne,” mwamba mba, “Na—Natwelele *mukikye*. Naubile *kikye*.” Akyo kechi kijipo nakintu kimo kyakuba nakikye ne. Talai kyo mwauba. Talai ku Pentekositi, byobaswisha kunekenya bintu. Monai

byo mwaubanga, kabiji monai byomuji pa kino kimye. Kechi kyakukumya ne, meso aji, meso ampofuka.

202 Nanchi aye, Ahaba, aye. . . Awe pulisiti wamupumine lupi pa kanwa. Kabiji waambile mba, “Mubikai,” kabiji Ahaba waambile mba, “mubikai akwa kunyuma mukaleya kamukachi. Umvwe Nabwela mumutende, Amiwa kengila nanji awe mulunda.”

203 Aye waambile mba, “Inge mwabwela, nishi Lesa kechi ye waamba kwi amiwa ne.” Uu-uu? Mwamona? Awa wajinga ngauzhi, akya kyajinga kiyukilo; aja jajinga Jiwi Janji. Kabiji kukakalwa kwi Kikokela kyaletete luzhachisho.

204 Aye Mupashi Wazhila ye ngauzhi wetu leelo. Wakakalwa kumvwa Jiwi Janji? Aye wimweshwa mu Kinembelo, amba Aye ukamba bibye bintu. Yesu Kilishitu, mu musango wa Mupashi Wazhila!

205 Lesa waingijile nayuwe muntu umo. Akye, Lesa kechi wingila na mabumba ne; kana na muntu umo. Elaija kechi wajinga jibumba ne. Yoano kechi wajinga jibumba ne. Kechi bajinga jibumba nangwa dinominesheni ne, nangwatu umo wa mwiabo ne. Pakuuba bonse bazhachishenga byabyobyoyo. Abyo ibyo. Yoano waambile mba, “Kechi mulanguluke kwaamba mba tuji na Abulahama shetu ne. Lesa wakonsha kulenga baana bakwa Abulahama kufuma kua mambwe.”

206 Kabiji kiyukilo kya kimye-kyakupelo kikekala na Jiwi ja kimye-kyakupelo. Kabiji kiyukilo kya kimye-kyakupelo kikekala mwayila bya tongwelwa mu Baibolo. Kabiji Jiwi ja kiyukilo-kyakupelo, ajo jilondela kiyukilo-kyakupelo, kikekala kyatanwa mu Kinembelo, kikekala ke Kinembelo akyo kyalailwe.

207 Pano twatanga mu Luka 17 kiyukilo kya kimye-kyakupelo byo kikekala, kikekala nobe byo kyajinga mu Sondoma, ke mulaye. Kabiji tuji na Sondoma wa kumubiji, kika kyo twakonsha kubula kuketekela kiyukilo kya bumupashi papo? Inge mwakonsha kumona Binembelo, ne akyo, Luka 17 ke kiyukilo, kabiji Malakai 4 ke Jiwi. Akya kiyukilo kyajinga nobe Lesa wasololwa mu bumuntu, kuyuka byafyama mu muchima; kabiji Jiwi jakwa Malakai 4 jaalulwilenga bantu kufuma ku mafunjisho abisho byabo, kubwela ku Lwitabilo lwa bashabo. Akyo kyo kiyukilo.

208 Mwayuka kine kintu nyi? Kepezheko pano. Biyukilo kimye kyonse bitabilwa, kine; bino, Jiwi, oo, ine. Aja Jiwi jilondela kiyukilo, kechi banji na kyakuuba nakyo ne. Ee.

209 Yesu kiyukilo kyanji, nobe Mesiyasa, kubuka bakolwa, bayitabizhe kyokyo. Pakuuba juba jimo Aye waambile mba, “Amiwa ne Bataata twi Umo.”

210 Oo, ami, aja Jiwi kechi jayitabijilwe ne. Baambile mba, “Obewa wilenga Obemwine kwikala ke Lesa, wiesakanya pamo na Lesa.”

Aye waambile mba, “Amiwa ne Mwaana wakwa Lesa.”

211 “Oo, ami, Lesa wakonsha kwikala byepi na Mwaana?” Mwamona? “Kikale kwalepa kyakuuba mba Lesa uji na Mwaana!”

212 Bino, mwamona, baketekejile akya—akya kiyukilo, bakolwa bakosheshe kutambula lubuko, kabiji, oo, akyo kyajinga kyawama bingi, awa wajingatu ke taata. Pakuuba byo kyaishile ku Jiwi, kechi bakebelenga kuketekela Jiwi ne. Kika kyo baubile? Abo Bamufumishe mukachi kabo.

213 Kabiji mwayuka kine kintu kika? Aye Baibolo witubula, mu Lumwekesho kyapitala kyabu 3, mu kimye kya Nkulo ya Kipwilo kya Laodikeya, amba Bakamuba kintu kimo. Aye wajinga pangye ya kipwilo. Akya ke Kyambo kyamwekanyika. Aye wajinga Kyambo kyamwekanyika. Aye ukijitu Kyambo kyamwekanyika.

214 Inge mwakonsha kuketekela kiyukilo kya Sodoma, kiji mu Luka, inge mwakonsha kuketekela kyokya, pano kika kyakubula kuswila Jiwi ja Malakai 4? Monai, kika anweba, anweba? Kyakonsha kushinikishiwa. Mujishindatu jimo ja kwikyubilamo ke... Kiyukilo kya konsheka kushinikishiwa, pakuuba wafwainwa kwitabizha Jiwi.

215 Mosesa wapelwe mwingilo wakuya kookwa, ku mubiji, ne kutambula kiyukilo kya bumupashi kabiji ne kwita bantu kubwela ku mulaye wa bashakulu babo.

216 Malakai 4 ke kubweza bantu “kubwela ku Lwitabilo lwa bashabo.” Oo, bwelai, Anweba bampofu kabiji nebafwainwa kubwela, kwenu anweba bene!

217 Mukupezhako, Nsawkamba kikye, aye ng’ambilo yapelako. Aye ngauzhi waambile mba, “Kukekala Kyeya mukimye kya mabaanga abufuku.” Talai, waambile mba, “Kukekala juba jikabulwa kutelwa mba mute nangwa bufuku ne.” Pano telekai. Mbena kupwisha. “Kukekala juba...” Lekai kikye kifike pazhika, kabiji Lesa ekibike mu muchima yense mu kino kijiji, bufuku buno, mu kino kishimikwa. Aye ngauzhi waambile mba, “Kukekala juba ajo jikabula kutelwa mba mute nangwa bufuku ne, jabula kumweka bulongo, ja mvula, juba jakafwa. Bino,” waambile mba, “mukimye kya mabaanga, kukekala Kyeya.”

218 Pano, vulukai, juba kimye kyonse jisamina ku Musela kabiji jizhikila ku muzhika. Bukomo bwa bantu bwalondela juba. Mwayuka kyokyo. Kabiji, monai, jonka juba jimo jiselela ku Musela jo juba jimo ajo jizhikila ku Muzhika. Bino, bukomo bwa bantu bwaendatu pamo na juba, posotu pakino kimye Musela ne

Muzhika byasambakana. Tuji ku Kitulu kya Kumuzhika; Musela ne Muzhika.

219 Kabiji, vulukai, Mamboawama aenda mujishinda jimoto. Jisamina ku Musela, ne kwiya kwa Yesu Kilishitu, aye M-w-a-a-n-a, kechi j-u-b-a ne. M-w-a-a-n-a, aye Mwaana wakwa Lesa, wasangukile ku Musela, ku bantu ba Kumusela.

220 Kabiji kwajinga juba ajo bantu jo batwelele mu kipwilo, balenga madinominesheni, kyeya kyakinangesatu kyakumwenako, “Kyawama, tukekala na kipwilo. Tukashimika *kikye*. Tukashimika sukuulu. Tukashimika kipatala. Tukafunjisha. Tukekala na sukuulu wamambo a lesa.” Bajinga na kyeya kyakinangesa kyakuba byooby.

221 Pakuuba, vulukai, Baibolo waamba mba, ngauzhi wakwa Nkambo, mu Baibolo, akyo kiji ABYO BYOBYAAMBA AYE NKAMBO, “Aja juba jimo jonka jasamine ku Musela jikasama jibiji ku Muzhika, mu kimye kya mabaanga abufuku. Kukekala Kyeya mu kimye kya mabaanga abufuku.”

222 Pano Aye ukoba ka? Akyo kine kyubatu byonka Byoaambile mu Luka kyapitala kyabu 17. “Mukimye kya kupelo, kimye Mwaana muntu po akasololwa mu musango umo ao Ye ajingamo ku Musela, awa Mwaana kusama, Bulumetu bumo, umotu Mupashi Wazhila, Kintutu kimo kibena kuuba kintu kimo. Kikekala ke Kyeya mukimye kya mabaanga bufuku.”

223 Jimotu juba aja jaendele; umotu M-w-a-a-n-a ye waenda; wayishile kupita ku Musela, kufuma kwi Paulo; kyatoloka kuya ku Germany, kwi Martin Luther; kyatoloka jibiji, ku kikoka Kyanji kyakulondelapo; kabiji kyafumine kokwa kuya ku Magalande, kwi John Wesley; kyatoloka kukilang’anya Kalunga ka Atlantic, kuya ku United States, kuba Pentekositi; kabiji pano Pentekositi wifumyamo mwine, kabiji tuji ku Kitulu.

224 Bonsetu mwiabo, balengelemo kabungwe, nobe byonka byo baubile ku ntendekelo, balengele kabungwe ako Lesa koafingile. Pentekositi, ne bonsetu, baubile kikye.

225 Bino Aye waambile mba, “Kukekala Kyeya mu kimye kya mabaanga abufuku. Kukekala kiyukilo kikekalako mukimye kya mabaanga abufuku.” Kechi kimupite ne Akye, balunda. Kechi kimupite ne Akye. Bino, yekatu Mwaana umo ukapana Kyeya kimotu. Aja j-u-b-a jimotu jipana kyeya kimotu kya j-u-b-a. Yeka umotu M-w-a-a-n-a upana Kyeya kya M-w-a-a-n-a.

226 Pano, ako kechi kwamba kwami ne. Muntu yense muno, wayuka mba Baibolo byooby yaamba, sutulaiko maboko enu. [Kipwilo kyaamba mba, “Amena.”—Waku.] Abyo kine ibyo.

227 Bino, mwakonsha, kiji kwianweba. Ketekelai amba Mwaana wakwa Lesa, Yesu Kilishitu, uji, kechi wafwa ne. Aye Ye mumi. Aye uji mu kwikepesha, wikepesha. Aye kimye kyonse wikala byonkabya. Jishinda ja kuya peulu ke jakuya panshi. Ikepeshai

anwebabene, fumaiko ku milanguluko yenu yakonsakana, kabiji muketekele ne Nkambo Yesu. Monai kiyukilo, popo mwakonsha kuketekela ne Jiwi. Bwelai, Anweba mwapalang'enamo, kwenu anweba bene!

Twayai tukunyike mitwe yetu.

228 “Kabiji umvwe babula kuketekela Jiwi ja kiyukilo kitanshi, kya mukuboko, nobe byonka byokyajinga ne Mosesa, nishi ukobe kiyukilo kyabubiji. Pano, umvwe babula kuketekela kikye kiyukilo, apo ukatole meema (meema kwimenako bumi) aji mukalunga kakatampe nangwatu kalunga kacheche, ne kwi etulwila pa mushiji, akaluka ke mashi.”

229 Taata Wamwiulu, kimye kyapwa bingi, bino Mwalaile mba kukekala Kyeya mabaanga abufuku. Lekai Jiwi ja Mambo awama etu atweleshetu mumichima ya bantu, mu kimye kya kulanguluka langulukapo Peakyo kabiji ne pa Kwikitanga kupichila mu Kyambo.

230 Peshai kino kijiji, Nkambo. Peshai babo bantu. Mwibamona baikala muno, bafwa zala, baana bakumulanda batwalwa twalwa mungi kabiji ne kunyachijilwa, kabiji *akye*, twayuka mba Satana waubile kikye pakuuba mba ebampofule ku kikye kintu byo Kikafika. Kabiji abo, bufuku buno, namulangulukotu umo, baketekele Yesu Kilishitu, baketekele mulaye Wanji, amba Aye wasangukile kufuma mubafu.

231 Mwaambile mba, “Mukimye kyo babula kuketekela, apo Mwaana muntu po akeya.”

232 Ponka pa kimye kipwilo po bakekala nakyo, kyafikilamo mu mali avula, kushimika bishimikwa bya mamilyonyi dola. Abo bakekala bingi bulongo, Taata, Naketekela, kubwela ne kwimana pa koono, nakwimba na—nakisekeseke, na kisochi mukuboko kwabo, ng’oma yakala pa koono nobe yaba Salvation Army, amba kyakonsha kwikala nobe mu umo saini mukatampe, nakweseka kupashang’anya bya muntanda, “Saabaji na musango wabwina lesa, kabiji kasa bakana Bulume bwaa.”

233 Kiswishai, Nkambo, bufuku buno, jimotu jonka, Nkambo; nobe byonka byajijile Samisoni, “Jimotu jonka, Nkambo, jimotu jonka.” Lekai kiyukanyikwe amba Anweba yenu Kilishitu, Mwaana Lesa; ye umotu keesha, leelo ne myaka yonse. Kabiji imweshai Anwebabene mukachi ketu, pakuuba mba bakonshe kumona kiyukilo, kapepo bakonsha kuketekela Jiwi. Mu kikye, Nalomba mu Jizhina ja Yesu Kilishitu. Amena.

234 Tusa kwita mulaini wamilombelo, bukiji bukijitu. Namona mba ke kimye ponka pano kya kupalang’enamo. Bino twayai twikale mu mulaini wa milombelo, mulainitu mucheche wa milombelo, nanchi potukatatula keesha.

235 Wajikupana bitupa bya milombelo leelo. Onkao mambo, tupana bitupa pajuba pajuba, pakuuba mba yense wayikalako

najishuko umvwe baiya mukimye kingi. Kwikala mumulaini wa milombelo, akyo kechi kyo kimubuka ne. Muntu yense wikiyuka, mupwijilo iji yonse, mwikala babukwa bavula kokwa kukila ne pa batambula lubuko kuno, monai, kimyetu kyonse. Aye Mupashi Wazhila utanwatu konsekonse. Aye ubena kukebatu kutana baitabila, kyokyonka, Aye wakonsha kuuba.

²³⁶ Panai kitupa kyamilombelo kya P, nobe mwi Paulo. Twayai, ponka potwajinga. . . Kyawama, itai kufuma pa kamo. Kamo, tubiji, fiili, foolo, faivi, sikisi, sebeni, eiti, naini, teeni, balekai bemane papo, inge yakonsheka. Akye kitupa kyamilombelo P, nobe mwi Paulo, Kamo kufika pa teeni, imanai papo kululwe lubaji, inge mwakonsha kwimana. Inge kechi mwakonsha ne, tusakutola muntu umo pakuuba mba emukwashe. Teeni; kamo, tubiji, fiili, foolo, faivi, sikisi, sebeni, eiti. . . kijitu bulongo, babiji bakwabo. Eiti, naini, teeni, kijitu bulongo. Teeni kufika pa fifitiini, teeni kufika pa fifitiini, ke bakwabo faivi. Fifitiini kufika pa tweeti, imanai pakuuba mba Mone kana mubena kwimana; P, fifitiini kufika pa tweti. Tweeti kufika pa tweeti-faivi. Twayai pano tumone, poomuji. Pano bashala mujibumba bekaletu namunema, pa mamineti achechetu. Akyo kyafwainwa kwikala kitupa kyamilombelo P, kamo kufika pa tweeti-faivi. Ibyo nyi? Tweeti-faivi, kamo kufika pa tweeti-faivi.

²³⁷ Pano anweba bonse ikalaitu na munema wabaya. Panai kwi Lesa mushingi wabaya, panai ku Mbila. Mwafwainwa kwikyuba kwi Lesa, kutajisha pa minetitu umo kabiji ne kulangulukapo.

²³⁸ Pano Namona nobe babena kunengezha bantu. Aba babula. . . Inge banji na bitupa byamilombelo, kechi bonse baimana mu mulaini ne, basakutaana kuuba mba; basakumbuula mu mamineti achechetu, kabiji pobasa. . . popo tusakumona kapepo muntu umo kibulu nangwa muntu umo wakonsha kukakalwa.

²³⁹ Amiwa kechi nayuk pobaji ne, balunda, abya bitupa byamilombelo. Songwalume wiya kuno. . . (Wibipana? Bushe anweba, nangwa Billy? Billy?) Kyawama aye wiya, ne kumvwangaula bitupa, kumeso anu anweba bantu, ne kwimupa kitupa kyamilombelo; wiya konka kuno, wimubuula bonse kwikala panshi, wimupa kitupa kyamilombelo. Mwamona? Amiwa kechi nayuka kobaji ne. Nabaesekenga kutola yuwe mwanyike papo, mwamona. Kabiji, ne bakwabo, Amiwa—Amiwa kechi nebayuka ne, Amiwa—Amiwa kechi jipo najishinda jakuyukilamo kyokyo ne. Naketekela Lesa wikenengezhe kwikala mo Akebela mba kikale muyekaawa musango.

²⁴⁰ Pano, pano anweba bonse mwashala, abo baabula kitupa kyamilombelo. Sutulaiko maboko enu, mwaambe amba, “Amiwa kechi jipo nakitupa kyamilombelo ne, bino Nakolwa.” Sutulaiko kuboko kwenu, kuji konse mukishimikwa. Amiwa

kechi nasakamana kana mujikwepi ne, sutulaitu kwenu... Kyawama, kechi kujipo ne bantu bavula muno ne, pakino kimye. Kyawama, mwayila kyokyo, kechi kikasenda kimye kyabaya kulombelela mulaini wamilombelo keesha ne. Mujitu nobe pepi nobe tweeti muno, kufumyako baimana kuno, aba bakolwa.

²⁴¹ Akyo kyawama. Nasata pa kumona anweba mwikiswisha muyekawe musango. Mwajinga na lwitabilo lwabaya bingi kukila mo Nakulangulukilanga, kapepo. Mwamona? Mwamona? Inge mwatambula lubuko lwenu, tayai kitupa kyenu, Lesa emupeshe. Alwa lolwine lwitabilo lwakine. Kafwako nangwa umo wakwimuteteka maboko ne; mwakuteteka maboko pe Kilishitu.

²⁴² Pano anweba muji muno bufuku bunu, anweba musakubula kwikala mu mulaini wamilombelo, mwijiketekela aje jishimikila. Nobe awa mwanamukazhi wakwachile kwapela kivwalo Kyanji, kabiji Aye waalulukile ne kumuyuka amba awa mwanamukazhi Wamukwata, baanga bakonsha kuvuluka jishimikila? Kine, mwayuka.

²⁴³ Pano mwikiketekela amba, Aye, Baibolo waamba mba mu Bahebelu 4, amba, "Aye ye Ng'anga Mukatampe, pakyonka kino kimye, ao wakonsha kukwatwa kubya kukabila byetu?" [Kipwilo kyaamba mba, "Amena."—Waku.] Kyawama, inge Aye ujitu pamo keesha, leelo, ne myaka yonse, bushe Aye kechi wakonsha kubila mumusango umo nenyi? ["Amena."] Bushe kechi wakyuuba bufuku pa bufuku, munonyi? ["Amena."] Baanga batanwako mupwijilo ikwabo kabiji ne kumumona Aye wi kyuuba? Sutulaikotu... ["Amena."] Kine. Mwamona? Kuzhokoloka ntanda yonse! Aye wayuka, Aye wimuyuka anweba mumisango yonse.

²⁴⁴ Pano monai kyo Mbena kweseka kuuba nyi? Baanga bakwatakanya kyo Mbena kukeba anweba mba muube? Mwamona? Nakeba anweba, kwakubula ne kwi muteteka maboko ne, Nakeba anweba, nobe kipe kyakine kine kyakwa Lesa, ambai mba, "Yesu Kilishitu, Nemuketekela Anweba. Amiwa pano nemtambula Anweba amba yenu Mumbuka. Amiwa pano ne mutambula Anweba nobe Mupulushi wami. Nekiketekela namuchima wami yense, mwingilo wanji wapwa." Pano lamai awa mulaye, lamaitu kwisolola kwenu kabiji ne kuya kulutwe naako. Talai kika kisakubiwa. Mwamona? Talaitu kisakumweka. Mwamona? Pano akyo kyo Mbena kweseka kuleta kwianweba mwikyuube, jojiine jishinda jo twafwainwa kuketelamo.

²⁴⁵ Mwakonsha kwaamba ka? [Muntu umo waamba mba, "Foolo ne naitiini."—Waku.] Nambala foolo, kitupa kyamilombelo nambala foolo ne nambala naitiini, bifwapo. Kitupa kyamilombelo foolo. Talai pa muntu um; talai pa kitupa kya yemwaikala nanji. Kitupa kyamilombelo nambala foolo

ne nambala nitiini. Kijitu bulongo, kakimyetu kacheche, pembelaikotu. Mwamona, inge Nabula kumwita, nishi Nsakubwezhapo pakyokyo, mwamona. Kwaamba mba ka? Kwaamba mba ka? [“Foolo.”] Munji na foolo? Pano ngaa naiti-...Naitiini kechi wakimweka ne. Kwaamba mba ka? [“Kubikapo foolo.”] Kitupa kyamilombelo nambala foolo kechi kyakimweka ne, nangwa naitiini. Inge muntu umo ujinabyo abye bitupa, mwakonsha kwiya mu mulaini. Nangwa, talai, monai, kyakonsha...kijipo na...Bushe aka kamwaana kakacheche kajipo nakitupa nyi? Palanguzhai, kechi uji...Ayo kechi yo nambala ne. Bushe *awe* inetu papo uji nakitupa, muyuwe mupando wamawilo nyi? Palanguzhai nambala yanji. Bushe ayo—ayo yonambala yanji nyi? Inetu uji pa kilalo, uu? Banji nayo. Pano, byonse bya kumaina. Kyawamatu. Kijitu bulongo. Bino—bino, anweba bantu banji na kitupa kyamilombelo, bikwachijilaitu. Tusa kwingila, kupichila mulusa lwakwa Lesa.

²⁴⁶ Bino balunda, buno byobuji bufuku bwapelako botuji nabo, keesha ke pa Mulungu mute, twayai tuzhindame atweba bonse. Pano tolaitu kubula kuketekela konse komuji nanko ngwa—nangwa ndangulukilo yonse yabulwa kufwainwa, ibikaitu panshi, kabiji nyataipo kulu kwenu, byonka byokyajinga. Ambai mba, “Nkambo Yesu, Amiwa mbena kwimuketekela Anweba.” Baanga bakonsha kuuba kyokyo? [Kipwilo kyaamba mba, “Amena.”—Waku.] Nemusachila. Lesa emupeshe.

²⁴⁷ Pano kechi pekalepo nangwa umo wakwenda ne. Ikalaitu nzoo, ne kuketekela. Talai kukwe, kabiji pano talai.

²⁴⁸ Kuyukanyikwa kwa Lesa ke kyakuuba mba kimye kyonse ke kuyuka, kuyukila jimo bikobiwa, kabiji ne kubulang’ana byajingako kala, akyo kiji byepi, nangwa bintu byobikekala. Twayuka kyokyo. Abye bangauzhi byobyo bayukanyikilwenga. Abo Yesu byobyo ayukanyikilwe mba ye Mesiyasa. Kabiji Aye ye Mesiyasa umotu ne leelo byonka Byoajinga kyokya kimye, bino kechi uji na mubiji panopantanda ne. Aye wabwele watuma Mupashi Wanji kwingijisha mubiji wenu, mubiji wami. Bino, kape kechi mwakonsha kuuba kikye ne. Twayuka, mu Binembelo, mwikalatu umo mu kisemi. Bino, monai, bino mwakonsha kwikiketekela, kabiji muji na bintu bikwabo byo mwakonsha kuuba, muntu yense.

²⁴⁹ Byepi umvwe munwe wami wafukula, mambo aye kechi jo jiso jami ne, kabiji kechi ukatwajijila kwikala ke munwe wami ne? Ibyepi umvwe awe munkoko waamba mba, “Amiwa kechi nkemana jibiji ne, mambo inge kechi Amiwa ne jiso ne, nangwa kutwi ne, Amiwa kechi kekala kuboko ne”? Kika, kyakonsha konauna mubiji wami.

Obewa ikalatu monka Lesa mo akulengejile kwikalala.

²⁵⁰ Bimye binga byo Nakomoka Oral Roberts, Billy Graham, Tommy Osborn!

251 Bamo bamubabo banabalume beya kookwa ne kwaamba mba, “Lukumo lwikale kwi Lesa! Kiketekelai kye!” Lwitabilo lwa kabwa mulume. Fumaiko, bafumako kookwa kasa bajitu na bulume bwafwainwa.

252 Billy Graham waimana na mbila, kabiji ne kwamba ku bantu mu mamineti acheche, ne kwaamba mba, “Fukulai milanguluko yenu; iyai kukitapisho.” Imanatu popo, kwenda jibiji ne.

Aye waambile mba, “Nanchi kika kyo ubila kyokyo, Billy?”

253 Waambile mba, “Mbila yami yaya. Ifuma kwi Lesa.” Abyo ibyo.

254 Aye uji pa kipwilo kya mu Sodoma, byonkatu byokyafwainwa kwikala. Janji jizhina ja pela na h-a-m kufuma ku Abulahama, bisopelotu sikisi; Abulahama wajinga na sebeni. Monai muluwe wakyokya kipwilo, akwa koka ku Babilona? Kyakine. Kechi mujipo muntu mukino kyaalo uji na mbila ya lulapilo, nobe Billy Graham ne. Aye wimana byobya. Waenda kufumako, kabiji waya wakaja nyama yakikupa-yapakijoma kabiji wakala pa mwanya, watoma ne mukaka wasungululwa. Akyo kijitu bulongo.

255 Kabiji umvwe mwakonsha kwimana na kulwisha ba diabola! Kimye kimo pa Long Beach, Mulongo Jack ne Ami. . . Bashobe kasa baimana konka.

256 Kabiji kwaimene ne Mr. Fuller, Charles Fuller, mulongo wawama, waimene byobya kasa abena kusapwila. Pepi nobe bantu tuu nangwa fiili sauzande bajingako awa mute. Twaikele na kuteleka ku pwijilo yanji. Amiwa nsokejile akya kishimikwa, panyuma yanji. Kabiji aye waimene ne kwamba waambile ng’ambilo yawama bingi. Kabiji waaambile mba, “Ing’anyi muno ubena kukeba kumutambula Kilishitu?” Babijinangwa basatu bayishile na kupesha baana babo. Umo mwanamukazhi waambile mba mbena kukeba Kwikitambula. Waishile walomba mulombelo mucheche, umo waba kwasho, wabwelele kunyuma na kwikala. Bapakene maboko, wazhokolokele ne kwaluluka walupukamo. Kwajinga ne bafunda, jibumba ja bantu bavwala-bulongo, balupukilenga kokwa.

257 Kimye kyami kyafikile kya kutwela, bonka bamajaketi, bipona byamawilo, bampofu, bilema, kwimanako, bamanyikwa. Umvwe lwitabilo lobe lwa kumanya bintu biji byobya!

258 Pano papo, Naamba mba Kilishitu ye ng’anyi? Kabiji pano babula kwitabila baikala pano, kukeba kutanamo lukatazho lumo, mwamona, kwesekatu kutana lukatazho lumo.

259 Vulukai, kuno kechi papita kimye kyabaya ne mu Toronto, twaimene kookwa na kusapwila, nakulombelela bakolwa. Natwajijiletu nakumvwa mupashi umo wapusanako; waikele ku kipiko kyami. Natwajijiletu na kumumona. Pajingapo muntu umo waikele popa, jibumbaa ja mutewile kuuba mba eye

nakundajika tulo. Aye wailenga nakuzhokoloka ku mankamba abashilikale na kulengesha bashilikale kwendela kumaboko abo ne kuboza nobe bakabwa, kabiji ne bintutu bikwabo; kyubilo kya kulubakanya milanguluko. Namumvwine awa mupashi watama. Amiwa kechi nayukile koafuminenga ne. Natwajijiletu nakukeketa. Namwene akya kivule kifita. Napembejileko mamineti acheche. Naambile mba, “Obewa mwaana wakwa Satana, kika diabola kyo akumpofwela milanguluko yobe kukintu kyamusango yewa? Mambo wayiya mba utole sambu pe Lesa, na kushinda Mupashi wakwa Lesa, basakukunshikula kukufumya muno.” Aye ponkapo waubile kalepu monka mukipona kyanji kabiji ukijitu na kalepu ne pakino kimye. Mwamona?

²⁶⁰ Atweba kechi tuji nakayilo ya kipwilo ne. Baanga batanwako kupwijilo kabiji bamona bintu byamusango umo byamweka, mwayuka bintu bimweka nyi? Kine. Abyo ibyo. Vulukai, ikalai—ikalai na munema.

Pano uno ye, Naketekela, muntu mutanshi. Abyo ibyo nyi?

²⁶¹ Pano, monai, Nasapwila, ne kwimubuula bintu byafwainwa kumwekanyika mujino juba. Pano akye ke kiyukilo, umvwe kyamweka. Abyo byo kyajinga akya kiyukilo, nanchi ketekelai Jiwi aja jilondela kiyukilo. Mwamona?

²⁶² Bino uno ke mwanamukazhi. Kinetu, kwi anweba bayiyako kimye kitanshi, awe ye Yoano Wazhila 4, apo Nkambo yetu Yesu po akumenye mwanamukazhi ku mushima. Abo kechi bakumenepo kala kunyuma ne, mubumi, kabiji Wamubujile awa mwanamukazhi lukatazho loajinga nalo. Kabiji aye wayukile mba awa wajinga Mesiyasa. Mwayuka jishimikila nyi? Pano kyaubiwa ne jikwabo, mwanamulume ne mwanamukazhi basambakana. Bino kechi iye mwanamukazhi ne, kabiji Amiwa kechi yami yewa Mwanamulume ne, bino ukijitu awa Lesa umo. Mwamona? Bino, Yesu waambile mba, “Mingilo yo Nguba ne anweba mukeyuba,” Yoano Wazhila 14:12.

²⁶³ Pano, inetu, kwakubula kukuyuka, kechi nayukapo nangwa pacheche kyo waimena kuno ne. Kyakonsha kwikala lukatazho lwa kunzubo. Kyakonsha kwikala lukatazho lwa muntu ungi. Kape obewa wakolwa. Kapepo ke...Kape waimana popo, wavwalatu kintu kimo. Inge byo byokiji, monaitu kintu kisa kumweka. Mwamona? Kape ubena kupashang’anyatu kintu kimo. Kyonse mokwafwainwa kwikela, Amiwa kechi...Obewa kape wakonsha kwikala waitabila kyakine. Akyo Amiwa kechi nayuka ne, bino Lesa wayuka. Bino usakuyuka kana Aye wakubuula kyakine nangwa ne, kechi usakuyuka nenyi? Inge kyabukine, usakwikiyuka.

²⁶⁴ Pano, monai, akyo lwitabilo lobe kolwakufikizha. Wafwainwa kutemwa byepi kwiya kuno? Bino umvwe muntu umo waketekela mba bingi, wiye kuno ne kusenda uno

mulwazhi, wiye kuno ne kusenda bonse. Pano umvwe kechi wakonsha kwikyuba ne, nanchi kechi wakonsha kuzhachisha ne. Mwamona?

265 Pano monai kuno, nyenga, pa minetitu umo. Bino kechi Nayukapo kintu nangwa kimo ne, kafwapo pe obewa ne. Obewa wi inetutu waimana popa.

266 Pano inge Nkambo Yesu Kilishitu, Mwaana wakwa Lesa, Ao Ye nashiikisha na Baibolo, walaile mba Ukabwela mu moba akupelako na kwisolola Ayemwine mu kuyula konse kwa Mapashi Wanji. . .

267 Pamo nobe Kipwilo byo kyaiya; nobe byo kyaiya kufuma kumuntu, kufumatu kumaulu, kwiya pa majoma, kufika ne kumutwe, kabiji mutwe ye mutwe wamubiji. Kabiji Mubiji waiya, kufumatu ku Kipwilo kitanshi, kwiya kufika ne peulu, mu kikye, mu kimye kya lumpimpu lwa bintu, kyaiya kufika, poso luno. . . Kyaiya kupita mu kubingishiwa, kutokeshiwa, lubatizhilo lwa Mupashi Wazhila. Pano ke Mutwe, Kilishitu, kwiya ku Mubiji, Mubiji wa Kilishitu. Aye ye Iye Wayuka. Maboko ami kechi ayuka kuba ne, kanatu na mutwe. Bino Aye ye Iye Wayuka, oene mambo Aye kyo aikela Kyambo.

268 Amiwa kechi ne Kyambo ne. Amiwa ne muntu. Bino, mwamona, Aye wingijisha yuwe mubiji. Mambo, Aye wafwijile mu kutokeshiwa yuwe mubiji, kuuba mba Aye wakonsha kumwingijisha, kabiji ne kupaana kya bupe. Kijitu pamo nobe kwikifumyamo bulume, apo aye Mupashi Wazhila po ekala naluusa.

269 Nanchi, inge Aye wakonsha kulondolola nangwa kukubuula kyo wauba, kyo wananga kuno, nangwa kintu kimo pe obewa, usa kwikiketekela. Kabiji ne bapwila basakuketekela nabo pamo? [Kipwilo kyaamba mba, "Amena."—Waku.] Aye Nkambo ekiswishe.

270 Pano Nakwata mupashi yense, uji muno, mu luusa lwami, ku lukumo lwa Nkambo. Pano ikalaitu kusukena ne. Kechi mwendauche ne.

271 Talai kuno, pa kimye kicheche. "Talai kwi amiwa," nobe Petelo ne Yoano baambile mba, byo bapichile ku kibelo. Mu byambo bikwabo, taikotu muchima ku byo Mbeni kwamba. Mwamona?

Yesu waipwizhe mwanamukazhi mepuzho acheche. "Ndeteleko Amiwa bya kutoma."

272 Monai, Nabaasapwilenga, kintutu kimo. Aye Taata watumine kuno ku—ku Baton Rouge. Nji kuno.

273 Taata waambile mba Wafwayijilwe kupita ku Samaliya. Waikele popa. Awa mwanamukazhi ye wajinga muntu mutanshi kwiya kwi Aye. Aye waubiletu kyokya kiyukilo kimo kuyewa

mwanamukazhi, kabiji muzhi yense walapijile. Nga lupusano byo...

274 Mwalanguluka mba, umvwe Aye wakonsha kuuba kintu kimo, bufuku buno, mwaketekela mba bonse ba mu Baton Rouge bakonsha kulapila nyi? Nazhinauka kyokyo, ngaa anweba? Amiwa kine byokiji. Bino tuji mumoba apelako, apo bubi po bwakila mububi kukila byo bwayukanyikilwe kunyuma.

275 Bino misango yobe yo ujimo. Waiya pano kuuba mba ba kulombelele. Kine byokiji. Kabiji ubena kukatazhiwa na lukatazho lwa pa kilomeno. Inge abyo ibyo, sutula kuboko kobe. Kechi kyonka kyotu ne, bino kuji ne muntu umo ye ubena kulombelela. Ke mwanyike, kabiji ne yeo mwanyike uji na lukatazho lwa pa kikolomeno. Kabiji ke lukatazho lwa kikolomeno kya mwanyike, paji kitumbwa pa kikolomeno. Bushe waketekela mba Lesa usa kumubuka, ne ayenyi? Aka katambala kanji mumaboko obe, ako kowasutula kwi Lesa, nobe kwikala bukamonyi...Kechi wikizhinauke ne. Yanga ukabike katambala pa mwanyike. Kechi uzhinauke ne, na muchima obe yense. Lesa usa kwimubuka anweba bonse babiji musakwikalatu bulongo. [Aye nyenga waamba mba, "Atakayikwe Aye! Aleluya!"—Waku.] Wakonsha kuuba kyokyo nyi? ["Yesu! Nasata kwi Anweba, Yesu!"] Nanchi yanga, kabiji Nkambo ekale ne obewa. ["Lukumo lwikale kwi Lesa! Aleluya!"]

Munji byepi? Twibenyi umo ne mukwabo, ne apo.

276 Bushe mwaketekela nyi? [Kipwilo kyaamba mba, "Amena."—Waku.] Akyo kyo kiyukilo. Pano Jiwi, ke, "Bwelai ku Kyambo!"

277 Kechi mwayuka ne; Aye wayuka. Inge Aye usa kumbula kintu kimo pe obewa, bino ne obewa waketekela amba akya Kyambo kyo Naamba kisa kushiniikishiwa? Akyo ko—ko kushiniikishiwa Kwakyo. Mwamona? Naambile mba Aye wikyuba; ako ko kwaula. Pano umvwe akwa kwaula kwafikizhiwa, apo Aye waambile mba, "Kyumvwai."

278 Unji na lubazhibazhi lwabaya bingi lo ubena kumanama nako, musango walubazhibazhi. Kabiji unji na kitimbwa, kabiji akyo kitumbwa kiji pa mukupa obe. Abyo ibyo, kechi ibyo nyi? [Aye nyenga waamba mba, "Ee."—Waku.] Pano waketekela nyi? ["Ee, mwane."] Nanchi yanga kwenu, ne kuketekela. Kabiji, monka mo waketekela, nanchi byo byo kisakukubilwa.

279 Muji byepi? Amiwa kechi nakuyuka ne, bino Lesa wakuyuka. Bushe waketekela mba Lesa wakonsha kumbula lukatazho lobe nyi? Ntale amiwa. Uji na makatazho. Bino waimena kuno muntu ungi, kabiji ne yeo ke yewa ye wakoma nanji. Ke nyenga. Abyo ibyo. Pano waketekela mba Lesa wakonsha kumbula kyatama ku nyenga obe nyi? Wakonsha kwikiswa nyi? Uji na lukatazho lwa muchima. Abyo ibyo. Bushe waketekela mba usakutambula

lubuko ponka pano nyi? Nanchi, monka mwayikela lwitabilo lobe, kikubilwe.

²⁸⁰ Iya, inetu. Uji byepi? Inge Lesa wakonsha kumbuula lukatazho lobe byo luji, nangwa kyo wauba, nangwa kintutu kimo, kisakukulengela kuketekela nyi? Wayuka mba Amiwa. . . Ami—Ami—Ami kechi nakuyuka ne. Akyo kyakonsha kwikala ke byubilo Byanji kwi mwesha Abyobine mwiami, monka mwayila Kyambo kyo Alaile. [Aye nyenga waamba mba, “Amiwa nsakwikitabilatu.”—Waku.] Waketekela kyokyo nyi? [“Ee. Amena.”]

²⁸¹ Obewa wi muntu mukwabo, uji na makatazho atanwa na mwanamukazhi wafika pamyaka yobe, bino yine milanguluko ke ya muntu ungi. Kukabila kobe kwi Lesa; ubena kukeba Lesa kechi mambo aobe mwine ne, ke mambo a muntu mukwabo, ao ke mwanamulume. Ke balume bobbe. Kabiji uji na lukatazho lwa muchima. Bushe waketekela mba Aye usa. . . Lesa usa kumubuka nyi? Yanga, kiketeekele. Kabiji, byonka byo waketekela, nanchi kisakukubilwa byonkabyo.

²⁸² Pano, monai, kusapwila konse, mukyokya kimye kyo Nabasapwilenga. Akyo, monse mokyakwikela, basatu nangwa foolo bantu bapita papo, bino Mbena kukakalwa kwimana pano. Mwamona? Monai, jibumba jonse jamwekatu nobe-batokoloka, bonse banji muno. Mwamona? Yesu waambile mba, “Bulume bwafumamo mwi Amiwa.” Kabiji inge mwanamukazhi umo, wakwata ku kyakuvwala Kyanji, kyafumishemo bulume Mwiaye, kabiji Aye Mwaana wakwa Lesa, pano ngaamiwa, ndengamambo wapulukilatu ku lusa Lwanji?

²⁸³ Aye waambile mba, “Bintu byonguba Amiwa ne anweba mukeyyuba. *Nebyakila* pa byo bino mukeyyuba.” Nayuka mba Kings James waamba mba, “ne yakilapo.” Bino umvwe mwasenda tutulwilo itanshi, yaamba mba, “*Neyakila* pa yoino mukeyyuba.” Kafwako muntu wakonsha kuuba yakilapo ne. Aye wasangwile bafu, kabiji Aye wazhindamikile bilengwa na lesa, kabiji waubile biji byonse. Bino Aye waambile mba, “*Yavula* kukila pa yoino, mambo Ngya kuba Taata.”

²⁸⁴ “Ba panopantanda kechi bakamona Amiwa ne; pakuuba anweba mu Nkamona, mambo Ami. . .” Monai, “Ami,” Ami—Ami ke kintu kibena kutongola ku muntu. “Amiwa kekala nenu, ne mwianweba.” Nanchi, kechi ke muntutu ne. Ke aye Kilishitu.

²⁸⁵ Mbena kwaamba kyokyo, kijitu nobe mbena kwisukenya amiwa mwine pacheche, nobe kwibwezha panyuma amiwa mwine. Wafumamo kufika pa mpuzha pamo mukakimye kacheche. . . Kechi kasa ukiji *popa*, nangwa *papo ne*; kijitu pakachi. Baanga baumvwa kyokyo? Nayuka mba anweba—anweba mwalanguluka mba mwaumvwa. Nauba, ne amiwa.

286 Bushe mwayuka mba aba baamba sapawilo ne bangauzhi kimye kyonse milanguluko yabo ilubakanako? Baanga bayuka kyokyo?

287 Baanga baumvwapo kala William Cowper, wasapawilo mwina English? Mwayuka, wanembele mba, “Kuji nsulo yayulwa na Mashi, kufuma mu mishipeshipe yakwa Emanwele.” Panyuma ya kunemba iwe lwimbo, mwayuka kyamumwekejile nyi? Naimene ku kilende kyanji kechi papita ne bimye byabaya ne. Aye wakebelenga kwikujika, kabiji wafwile mu mukola.

288 Baanga baumvwapo kala Sepetena Foster, wapana ku America nyimbo yawama bingi yaamba pabwikalo? Wajinga nayo mu mutwe bino kechi mu muchima ne. Kimye kyonse kushingwa kwamanyi byo kwamukwachile, wanembanga lwimbo. Pano umvwe kushingwa kwafuma pe aye, kechi wayukile kyakuba ne ayemwine ne, kabiji wajinga walubankana. Aye—aye—aye wajingatu wakutoma. Kabiji pa kupezhako byo atatwile kufuma mu kookwa kushingwa kwa manyi, wayichile wamwingilo wanji, kabiji watolele kanezala ne kwiyipaya aye mwine. Abyo ibyo.

289 Talai pe Elaija, ngauzhi. Waile kookwa ne kwita mujilo kufuma mwiulu; waichile mvula kufuma mwiulu pa juba jitanishi; kabiji washinkile ne meulu ne kuuba byonse bya. Pano akwa kushingwa kwa manyi byo kwafumine pe aye, waile mungye kabiji wakebele mba mfwe. Kabiji Lesa wamutaine, moba foote palutwe, wafyamine mulukelo. Abyo ibyonyi?

290 Talai pe Yona, awa ngauzhi. Panyuma yakupana mbila yanji, waile wakekala pa katumbatumba, ne kwimpuzha Lesa mba amuleke amfwe. Uu-uu. “Lekai kalume Wenu afumepo mu mutende.”

291 Bantu kechi bekyumvwa ne. Ine, ine, kechi mwakonsha ne. Nangwatu Amiwa kechi nakonsha kwi kilondolola ne, nangwatu muntu mukwabo kechi wakonsha ne. Anweba kechi mwakonsha kulondolola Lesa ne. Lesa kechi uyukanyikwa na kupesapesa kwa masayaasi ne. Lesa uyukanyikwa kupichila mu lwitabilo. Tumuketekelatu Aye. Mwakonsha kulondolola byepi? Kyakonsha kwikala byepi lwitabilo, mukyokyo? Twayuka Lesa kupichila mu lwitabilo.

292 Kipwilo kechi kikayuka mwingilo ne kunemenwa ne, kabiji jisulwila ne kwesekwa, abyo Biyileta, aye Mbila. Aye wayuka. Fweto yami kechi ifuma ku bantu ne.

293 Talai kuno, inetu. Ee, bukiji bukiji. Awe mwanamukazhi wavwetwa na kivule kyalufu. Lesa kechi wafikenatu waiya ku mwanamukazhi ponkapotu ne, Namona. . . Kechi mubena kumona akwa kufita kwamuzhokoloka nenyi? Usa kufwa, monka mwaila ino ntanda. Kuno kechi papita bimye byavula ne, bakopele kipikichala kya kintu kimo kyayewa musango, kabiji

njinakyo ku nzubo. Uji na kivule kyafituluka kyakobama kwipi ne aye. Wamvwetwa na kivule kya lufu.

²⁹⁴ Inetu wachepa kamubiji bamutumbwile. Kabiji mukukwe kutumbula, bamutumbwile namambo kikola kya kabe. Kabiji pano unji na makatazho, amusango yense—yense, kyawama, byalubankanatu byavula. Kintu kimo, wakooka bingi kechi wakonsha kwimana ne. Kintu kikwabo, mu kisukwilo mubena kufuma mafina. Pano, byonkabyo pakuuba mba Amiwa kechi mubena kwambatu kintu kingi ne. Mwamona? Abyo ibyo. Bino, inetu, badokotala baesekele. Namupa munema pa kikye. Bino, wajinga ke bukwasho, bino Lesa ye lubuko. Usa kufwa muyekao musango. Ay waubile byonse byo akonsheshe kuuba. Mwaketekela nyi? [Aye nyenga waamba mba, “Ee.”—Waku.] Iya kuno, pa kaminetitu kamo.

²⁹⁵ Kupichila mumwingilo ye napewa kufuma kwi Lesa Wabulumel bonse, wapewe kwi amiwa kupichila mu Malaika, ao uji pano mu musango wa Mumbulungwa wa Mujilo, Nazhachisha awe diabola ubena kusenda bumi bwa yuwe mwanamukazhi. Mu Jizhina ja Yesu Kilishitu. Amena.

Yanga, pano ketekela. Nabyonse biji mwi obewa, ketekela.

²⁹⁶ Uji na lukatazho alo lwipaya bantu bavula bingi kukila pa bintu byonse byashala, lukatazho lwa muchima. Baamba mba kyo kikola kyabalwa-kitanshi, bino kechi ikyo ne, mwane. Bubi bwaketekelwa kwikala pa nambala-wanu... kikola. Mwaketekela mba Aye wakonsha kubuka awa muchima kabiji ne kukulenga kwikala bulongo? [Aye mulongo waamba mba, “Nayuka mba Wakonsha.”—Waku.] Pano yanga, kiketeekele. Lesa akupeshe.

²⁹⁷ Mwalanguluka mba Lesa wakonsha ku mubuka musana wenu ne kwimulengela kwikala bulongo nyi? Mwikiketekela na muchima wenu yense nyi? Yainga, kiketekelai, nyenga. Monai kikamweka kwi anweba, musakukekalatu bulongo.

²⁹⁸ Kikola kya mashimba ne lukatazho lwa muchima. Bino mwaketekela mba Lesa wakonsha kwi mulengela kwikala bulongo nyi? [Aye nyenga waamba mba, “Naketekela.”—Waku.] Namuchima obe yense nyi? [“Ee, mwane.”] Usa kwikiswa nyi? [“Ee, mwane.”] Monka mwaikela kuketekela kobe, momonka mokikekela kwi obewa. Pano yanga, ketekela na muchima obe yense, kabiji Lesa usakukulengela kwikala bulongo.

²⁹⁹ Uji na lukatazho lwa musana. Mwaketekela mba Yesu Kilishitu wakonsha kwimulengela kwikala bulongo nyi? [Aye nyenga waamba mba, “Ee, mwane.”—Waku.] Yainga pano, ketekelai na muchima wenu yense. Amiwa kuuba ne mubuka ne, mwamona.

³⁰⁰ Kikola kya bashetu, lubazhibazhi, kabiji muji nena kikola kya mashimba. Mwaketekela mba Lesa wakonsha kwimulengela

kwikala bulongo nyi, kwi mubuka? Mwaitaba nyi? Yainga, kabiji kiketekelai, nanchi.

301 Kimulengela kubula kulala bimye byavula, kukopola. Bino ubuka ne asima. Mwikiketekela akyonyi? [Aye mulongo waamba, “Ee, mwane.”—Waku.] Mwaketekela mba wimulengela kwikala bulongo panonyi? [“Ee, mwane.”] Lesa emupeshe. Ne musachila, pa mambo alwitabilo lweni.

302 Pano ibyepi inge kechi Najikwambapo kyambo kimo kwi anweba ne, ne mutetekatu maboko, mwakonsha kuketekela nyi? [Aye mulongo waamba mba, “Ee.”—Waku.] Iyai kuno. Nateteka maboko ami pe obewa, mu Jizhina ja Yesu Kilishitu, kabiji ao mashimba emuleke. Kimusha.

303 Iya. Iya, nyenga. Mwaketekela nyi? [Aye nyenga waamba mba, “Ee, mwane. Nabukwapo kala kwi Nkambo.”—Waku.] Kyawama, akyo kyakila kuwama. [“Aleluya!”] Nanchi pano yanga ukaje kajo kobe kamulajilo, kabiji munda mobe musakwikalatu bulongo. [“Aleluya! Aleluya! Aleluya!”]

304 Lukatazho lwabaya bingi lwa musana, lwakukatazha kimye kyabaya bingi. Yainga, ketekelai amba anweba... Yainga, ketekelaitu amba musa kwikalatu bulongo, kabiji Lesa usa kwimubilakyo. [Aye mulongo waamba mba, “Lesa uuba. Amena.”—Waku.] Amena. Akyo kyawama. [“Atakaikwe aye Nkambo.”] Aye Lesa emupeshe, mulongo. Amena.

305 Kikola kyazala kafwako byokiji ne, pakuuba mba Lesa ekibuke. Aye wakonsha kwibalengela kwikala bulongo. Mwikiketekela akyo nyi? [Aye nyenga waamba mba, “Naketekela.”—Waku.] Kijitu bulongo. Kiswayi, kabiji yainga kasa mwamuketekela Aye na muchima wenu yense.

306 Ne anweba muji nakyo mumashi enu. Mwaketekela mba Lesa usa kwi mulengela kwikalatu bulongo nyi? Yainga, ketekelai na muchima wenu yense, kabiji ikalaitu bulongo.

307 Anweba mwaketekela mba Aye wimubukile ponka po kyaishile kwi anweba nyi? Wikyubile.

308 Lukatazho lubainetu. Lukatazho lwa muchima. Anweba mwaketekela nyi? [Aye nyenga waamba mba, “Nekiswa.”—Waku.] Yainga, ikalai—ikalai babukwa mu Jizhina ja Yesu.

309 Anweba mwaketekela mba Lesa usakulengela musana wenu kwikala bulongo, jifyo jenu jisa. . . Emupeshe! Yaingatu pano.

Amiwa kechi mbuka ne. Amiwa kechi mbuka ne. Amiwa kechi neubuka ne.

310 Mwalanguluka byepi byo Ajikwamba na mambo amusana wanji, mwaketekela mba ne wenu naye wajikwikalatu bulongo, ne ayenyi? Kijitu bulongo, yaingatu, na kwiketekela, pano. . . Yaingatu nakuketekela, na muchima wenu yense.

311 Wenu nanji pamo, mwaketekela mba Lesa wi mukosesha nyi? Yainga, kiketekelaitu, na muchima wenu yense. Lesa usa kwikiswisha inge anweba...Anweba mwafwainwa kwikiketekela, nangwa byonka byo.

312 Mwaketekela kuuba mba Lesa usakwimulengela kwikala bulongo, neanweba? [Aye nyenga waamba mba, "Jitotwe ja Nkambo! Amiwa byo nauba."—Waku.] Kijitu bulongo. Lesa emupeshe. Endaitu kuya bulongo kabiji ne kuketekela na muchima obe yense.

313 Iyai, mwane. Kyakala kitoka kisma kyasumina panshi. Kupimwa kwa kyokyo kwakonsha kumweshwa mba kikola kya zala. [Aye mulongo waamba mba, "Kikola kya zala."—Waku.] Mwaketekela mba Aye usakwimulengela kwikalatu bulongo nyi? Twayai tuye ku Kalvali na kupipula mashi. Konka kulwitabilo, mu Jizhina ja Yesu Kilishitu, ekale wabukwa. Amena. Lesa a kupeshe, mulongo. Ketekelaitu na muchima obe yense. Anweba mwaketekela nyi? ["Ibyo kine."]

314 Pano nga anweba bamo mukachi kajibumba? Anweba mwaketekela na michima yenu yonse, amba Yesu Kilishitu ye umotu keesha, leelo, ne myaka yonse? Mwikiketekela akyo nyi? [Kipwilo kyaamba mba, "Amena."—Waku.]

315 Pano ibyepi mu *ino* kambi? Awe inetu waikala papo, ubena kutala popa, ubena kukatazhiwa na lukatazho lwa bainetu, anweba mwaketekela mba Lesa usakwimulengela kwikalatu bulongo nyi? Wavwalatu ka kochi kakifufya. Kijitu bulongo. Ketekelai pano, Yesu Kilishitu wimulenga kwikala bulongo. Ke kintu kyapeelatu.

316 Awa inetu waikala konka kunyuma yobe, suki ya fituluka. Waambile mba, "Nemusachila Anweba, Nkambo." Kintu kimo kyajikumukwata. Aye kechi wajikuyuka kana kyajinga Kyamusango ka. Lukatazho lwa kisukwilo lwapwa, waikala ponkapo, panyuma ya inetu wajikutambula lubuko katataka. Inge waketekela na muchima obe yense popo, inetu. Mwaketekela nyi? Kijitu bulongo, sutulai kuboko kobe inge wakeba kwikitambula. Lesa wakukosesha.

Pano ngaawe panshi papo, muntu umo *mumwe*?

317 Kanyuma kookwa mukachi kajibumba, pano ikalaitu na munema. Kwenda ne. Monai, aye misongo ifuma ku umo nekuya ku mukwabo.

318 Pano ngaanweba, mwane? Awe mwanamulume mukote waikala papo mu kikyeye kipona? Anweba mwaketekela nyi? Anweba mwaketekela mba Lesa wakonsha kwimubuka nyi? Kikola kya mashimba, kabiji muji na kyaji kishika. Anweba mwaketekela mba Lesa usa kwimulengela kwikala bulongo nyi? Anweba mwaketekela nyi? Kijitu bulongo, tambulai kyo mwaji kwipuzha. "Inge mwakonsha kuketekela!"

319 Mwalanguluka yepi, inetu, mwaikala kwipi ne aye? Mwaketekela, neanweba nyi? Anweba mwaketekela nyi? Anweba mwaketekela mba Lesa wakonsha nkumbula lukatazho lweni byo luji nyi? Anweba muji palepa bingi ne amiwa. Pano muketekelaitu Aye. Anweba mwaketekela mba Nemubula kya Bukine nyi? Nanchi kwenda mashi kwenu lubilo kusakubwela panshi. Mwikiketekela nyi?

320 Mwakusutula kuboko kwenu, ne anweba. Mwakwesekanga kumutundaika. Anweba mwaketekela mba Lesa wakonsha kumbuula kyepi. . . Anweba mwajinga bawama bingi mukumukwasha, pano Lesa usakwikala wawama mu kwimukwasha. Anweba muji na lukatazho lwa bumupashi lubemukatazhenga. Inge abyo ibyo, sukanyai kuboko kwenu nobe *bibye*. Kisakupwa pano. Aye wikyuba bulongo.

321 Baanga baketekela? Baanga mwi anweba bakonsha ku- . . . ao kechi ke Mwinakilishitu ne, ujitu na—na ng’umvwino yakuba mba Yesu Kilishitu uji muno, abo bakonsha kwimana ponka pano, ne kwaamba mba, “Yesu, Nafwainwa kwimweshwa amiwa mwine nobe ndengamambo, Anweba musakundekelako bubi bwami nyi?” Imanaiko. Lesa emupeshe, mwane. Lesa emupeshe. Lesa emupeshe. Lesa emupeshe. Lesa emupeshe. Lesa emupeshe. Lesa emupeshe. Lesa emupeshe. Lesa emupeshe. Lesa emupeshe. Lesa emupeshe. Lesa emupeshe. Akye, Aye ubena kwimumona. Aye usakubika jizhina jenu monka umvwe mwauba kyokyo.

322 Akwe kulubaji lwapeulu, imanaiko, ne kwaamba mba, “Nkambo Yesu, Nasaka ku, Nasaka kuyukanyikwa. Nasaka kubilwa lusa lwa mweo wami.” Lesa emupeshe, mwane. “Nasaka lusa, Nkambo Yesu.”

323 Kechi mwakonsha kumona ne, balunda, awe ke Aye kuno? Lesa akupeshe, mwanamulume wakyanyike. Lesa akupeshe. Lesa akupeshe, inetu wakyanyike. Akyo kyo kintu kyakila mukubaya kyoukyangye kubapo. Pano muntu umo mukwabo wabula kwikyuba, imanaiko, ne kwaamba mba, “Nasaka kuyukanyikwa, Nkambo Yesu. Mbena kwiyukisha amiwa mwine, bufuku buno.”

324 “Yense wakonsha kusolola bubi bwanji, ukobilwa lusa. Awa ufyu bubi bwanji, kechi ukamona mashuko ne.”

325 Mwakonsha kuuba, mu Kyeenyi Kyanji nyi? Lesa emupeshe, inetu. Nasaka . . . Lesa akupehse. Ee. Kabiji Lesa akupeshe. Lesa emupeshe, mwane. Lesa akupeshe, inetu. Aye Nkambo emupeshe.

326 Mwaamba mba, “Bushe akye kyalumbululapo kintu kimo nyi?” Pakachi ka Lufu ne bumi, alo lolupusano.

327 Bushe mwatuluka Kyeenyi Kyanji muno nyi? Bushe mwikituluka akyo nyi? Bushe mubena kwi kyumvwa nyi? Monai, anweba Mwikimona, Mwikimona kwingila. Awe ye Iye. Abye

kine ibyo Byoaambile mba Aye ukooba. Wikiketekela akyo nyi? [Kipwilo kyaamba mba, “Amena.”—Waku.]

³²⁸ Muntu umo aambe mba, “Nasaka kwimwasha amiwa mwine amba nendengamambo, Nkambo. Anweba pano mundekeleko mambo ami.” Inge mwaimena jimo, sutulaitu kuboko kwenu. Anweba bamo mwaimana kubibumba, sutulai... Lesa emupeshe. Lesa emupeshe. Muntu mukwabo aambe mba, ako kunyuma pa kibamba kya kyapeulu, ambai mba, “Nasaka kwimwasha amiwa mwine, Nkambo Yesu. Nalomba kungubila lusa, bufuku bunu, mu Kyeenyi Kyenu kya Bulesa, naketekela mba, yeka Lesa ukazhachisha, Kyeenyi Kyanji kiji pano. Aye wayuka mba Ubena kwamba ku muchima wami ne kumbula mba kechi Njibulongo ne. Nasaka kwimana ne kwaamba mba kechi Njibulongo ne. Nasaka kwisolola bubi bwami. Anweba mubena nkuzhachisha jibiji mu muchima wami.” Oene mambo Onakulekela mulaini wakulombelela. Lesa emupeshe. Lesa emupeshe.

³²⁹ Mwalanguluka mba kyo Najikulekela kyokya kika? Najikwikileka mambo Najikuyuka mba abye bisakumweka.

³³⁰ Bino, muji ne bakwabo muno, kechi musakwimana nenyi? Imanai ne kwaamba mba Kintu kimo kibena kwamba ku muchima wami, “Obewa waya mungi.” Lesa emupeshe, mwane. Lesa emupeshe. Lesa emupeshe. Lesa emupeshe. “Amiwa naya mungi. Ndekelaiko mambo, Nkambo. Mbena kwimwasha amiwa mwine. Naimana, Nkambo, mu Kyeenyi Kyenu. Nayuka mba Anweba muji muno. Na... Mwafwainwa kwikala muno. Anweba mwaambile mba abye byo—byo bintu byo Mukooba. Pano Naikala... Namona kiyukilo, kabiji Nayuka mba akye kyandondolwelwa amba akye kyafwainwa kwikala ke kiyukilo kya jino juba. Najikumvwa aja Jiwi jankungita kubwela kululapilo. Amiwa Njipano, Nkambo. Naketekela kiyukilo. Naumvwa aja Jiwi.”

³³¹ Aja Jiwi pano jibena kwaamba kwiobewa! Alulukai, Anweba bapalang’enamo! Alulukai, Anweba tubaangabanga tupitang’anatu! Alulukai, Anweba mwakwatwa buzha! Alulukai, bufuku bunu!

³³² Kechi musakwaluluka nenyi? Imanaitu ne kwamba mba, “Nemwasha amiwa mwine kwikala ndengamambo, nalomba kubilwa lusa.” Mwakonsha kwikyuba, muntu mukwabo? Lesa emupeshe, inetu. Lesa emupeshe, apo peulu, mwaana wamulume. Umvwe Amiwa nabula kukumona, Aye kechi wakonhsa ne. Lesa emupeshe, inetu. Akya kyawama bingi. Akya kyawama bingi. Muntu umo mukwabo? Ngiikalaitu... Nasaka kwimubazhakotu pa kamineti, mambo Mbena kuyumvwa kinemenezhi kicheche muno, mwamona. Muntu umo mukwabo? Lesa emupeshe, inetu. Amo momonka mwakwikyubila. Aboyo ibo. Muntu umo mukwabo, “Nasaka kwimwasha amiwa mwine,

nsakwimanatu amiwa mwine ne kwaamba mba Amiwa naya mungi. Mbená kulomba kubilwa lusa”? Mwakonsha kwikyuba nyi? Bukiji bukiji kasatukyangye kuya kwalepa, imanitu ne kwamba mba, “Nasaka kwimweshá amiwa mwine, Nkambo Yesu.” Lesa akupeshe, inetu wakyanyike.

³³³ Mwayuka, kapepo kasamukyangye kufika kunzubo, bino kimye kimo nangwa kikwabo kukeya kinyazhinyazhi kyamashika mu kilungi kyobe. Kapepo lukeelo lumo dokotala ukeya kabiji ukomvwa kwenda koobe kwa mashi kukeyanga nakwimana, kafwako kikwabo kikobiwa ne. Apo popo ukomvwa ngishilo yalufu yatalala kwiiya mukilungi kyobe. Obewa ukavuluka byo wauba.

³³⁴ Vulukai mba, kechi bakonsha kukuzhika pazhika bingi, kafwako kyo bakonsha kuuba kwi obewa ne. Lesa walaile mba, “Amiwa nkemusangula jibiji, mujuba jikapelako.” Talai. “Aye umvwa Byambo Byami ne kumwitabila Aye Wantuma, uji Nabumi Bwape kabiji kechi ukeya ku Kinje ne, pakuuba wapita kufuma kulufu kuya ku Bumi.” Muntu umo afute Kyokyo inge wakonsha. Yesu Kilishitu waambile Amba. “Awa waitabila (kookuba mba ‘umvwa’) Byambo Byami ne kwitabila mwi Aye Wantuma, uji na Bumi Bwape, kechi ukeya ku Kinje ne, kuluzhachisho, pakuuba wafuma kulufu waya ku Bumi.” Mambo, waitabila muyeka umo Mwaana wakwa Lesa, ao Lesa yeasangwile, myaka biumbi bibiji byapita kunyuma, kabiji ye mumi muno, bufuku buno, kasa abena kumweshá kipangwa Kyanji kya lusanguko Lwanji.

³³⁵ Bushe kusakwikalapo kwimana kukwabo, panyuma yakikye, mukwabo ambe mba, “Amiwa nasaka Kwikitambula. Nasaka ku Mutambula”? Lesa apeshe. Lesa emupeshe. Akye kyawama bingi, inetu mucheche. Akye ke kintu kyakila mu kuwama. Nasaka namba mumone.

³³⁶ Namwenenga lwito lwa kukitapisho, kuno bimye byakunyuma, bantu bayishilenga, nakunyeuna nakunyeuna bbambungamu, kasa bempuma abo bene nabene mulubaji.

³³⁷ Bushe mwajikumona bukishika pa bilungi bya bantu? Abo banabakazhi bakwanyike, nangwa pa nyuma yakwibazhachisha namambo akutenda suki yabo, ne kwibiika byakushinga-shinga; nabyobya bya kushing-shinga, ne suki yakutenda, imanatu kijitu pamo, “Amiwa ne ndengamambo. Ngubilaiko lusa, Lesa.” Aye yoyoya Kunwa yaikala popa. Akya Kyeya kiyisamina, kabiji bekiyuka. Lesa emupeshe.

Twayai pano tukunyike mitwe yetu.

³³⁸ Nakeba yense waitabila muno, ao waimana kwipi na muntu wajikwimana, mubike maboko enu payeo muntu, (musakuuba nyi?), aba baaji kwimana. Baajikwimana kulubaji lwenu. Umvwe wi Mwinakilishitu, bika kuboko koobe pe abo,

“Nyenga, mulongo, Nabika kuboko kwami pe obewa. Amiwa nsakulomba.”

³³⁹ Taata Wamwiulu, muji bobo muno bufuku buno ba—baketekela Anweba. “Imo kunwa yaponejile kwapela jishinda,” Mwaamba mba, “bang’onyi baishile ne kwiyija. Ikwabo yaponejile pa kyalata, kabiji mumiba ne mubinsosonya. Pakuuba imo yaponejile mwawama, mu mushiji watemba.” Kabiji ne Kyeenyi Kyenu byokiji pano, bufuku buno, kyanshinina bavula muno kuuba mba Anweba yenu Mwaana wakwa Lesa, kuuba mba Anweba mwi mumi myaka ne myaka. Kabiji Anweba mwalaile mba, mambo Mwimumi, twakonsha kwikala nabumi ne atweba.

³⁴⁰ Nkambo Yesu, bajikwimana kabiji baimana kwikala bakamonyi kuuba mba bemwitabila Anweba. Pano, Nkambo, Nayuka mba Anweba mukebemenako mu joja Juba. Kiswishai kye, Nkambo. Nebapana kwi Anweba, mu Jizhina ja Yesu Kilishitu. Bakaye ku kipwilo kyawama ne kubatizhiwa mu lubatizhilo lwa Bwinakilishitu. Bakenunge abobene na jibumba ja baitabila bawama. Kabiji bakayuzhiwe na Mupashi Wazhila. Kabiji bakekale mendulu ya Mambo awama, mabwe amunema a kumuchinya Wenu pajoja Juba. Kabiji umvwe kechi Nebamonapo jibiji kuluno lubaji lwa joja Juba ne, Amiwa nkebamone pajoja Juba nobetu mukimwesho, saabamba mba, “Anweba kechi mwavuluka nenyi? Kyajinga pa Baton Rouge, abwa bufuku, bo Naimene.” Kiswishai, Taata. Abo ke Benu, monka Mujizhina ja Kilishitu.

³⁴¹ Pano paji, pabikwa kwi amiwa, kibokoshi kya tutambala, tusapato twatucheche, makense, tutambala, kabiji ne byakumvwala, ne maempulo. Twafujishiwa, mu Baibolo, amba basendele kufuma ku mubiji wakwa Paulo Wazhila, tutambala ne maempuloni, mipashi yatama yafumine mu bantu. Pano, Taata, twayuka mba atweba kechi yetu Paulo Wazhila ne, bino Anweba mukijitu Lesa umo yeka, nanchi Nalomba amba Anweba musakuwisha mikumbu imotu, na bukishika akye kisemi byo kyaketekela. Abo kechi baketekejile Paulo mambotu akuuba mba wajinga Paulo ne; baketekejile Paulo mambo Anweba mwimweshenga Anweba bene ne Paulo. Bino baketekela bintutu bimo bufuku buno, Nkambo, amba Anweba mwimwesho mukachi ketu, bufuku buno. Kabiji juba jimo, twaamba namba. . .

³⁴² Munembeshi umo witubujilenga atweba, mba, “Isalela wajinga palwendo lwanji lwakuya kuntanda yamulaye, kabiji Kalunga Kachila kakilang’enye mujishinda jabo, kwibachibako ku ntanda yamulaye.” Awa munembeshi waambile, mba, “Lesu watajile panshi kupichila mu Mumbulungwa wa Mujilo, na meso abukaji, byo a Pitang’enenga ponka pa Isalela. Wapaine bumpofu, ne fishi ku babula lwitabilo, kabiji ne kyeya kubena

Isalela. Kabiji Kalunga Kachila byo kakilang'enyne mujishinda, kaumwine moyo, kabiji kabwelele ke vunga, ne Isalela waabukile pa mushiji wauma kuya ku ntanda ya mulaye.”

³⁴³ Nkambo Lesa, talai panshi bufuku buno, kupita mu Mashi akwa Yesu Kilishitu, Mwaana Wenu. Kabiji byo Nabika maboko ami patutwe tutambala, byo tukabikwa pa bakolwa, aye Mupashi Wazhila, Nkambo, mukatale pa yewa muntu, kabiji ne musongo akafume payewa muntu, kabiji amba bakabuke kuya muyoya ntanda muji bututulu bwamubiji bwawama ne bulume. Amba, Baibolo waamba mba, “Kukila pa bintu byonse,” bakeba mba twikale “na bumi bwawama.” Kiswishai kye, Nkambo. Nebituma, mu Jizhina ja Yesu Kilishitu. Amena.

. . . ami Kalondela,
Konse ko Atangijila . . .

Twayai twimbetu.

. . . kalondela,
Nkaya Nanji,

Pano Kyeenyi Kyanji kiji muno, twayai Tumupopwele mulwimbo, nabuwame.

. . . koosetu.

³⁴⁴ Mwakonsha kumwimba, bulongo, nobe bibye:

Konse ko Atangijila Nkamulondela,
Konse ko Atangijila Nkamulondela,
Konse ko Atangijila Nkamulondela,
Nkaya . . .

Inge ukaya, pano sutulaiko kuboko kwenu.

. . . Nanji koosetu.

Twayai pano twimaneko, sutulai maboko enu jibiji.

. . . Nanji kupita mubujimi,

³⁴⁵ Muntu yense pano embe mu Mupashi. Yine Mbila yakonsa. Twayai tumupopwele Aye mu Kyeenyi Kyanji. Aye watemwa kupopwelwa.

. . . mubujimi,
Nkaya Nanji kupita mubujimi,
Nkaya Nanji, Nanji koosetu . . .

Pano twayai tumunyinyite.

Nakonsha . . .

³⁴⁶ Kimye kyo mubena kuuba byobyoy, Nasaka namba mwi imunepo na muntu umo, ambai mba, “Lesa akupeshe, mwenyi. Lesa akupeshe, mwenyi,” byonka byo. Twi umo na mukwabo. Methodist, kabiji Baptist, Presbyterian, ba Pentekosito, bonse pakanai maboko umo na mukwabo, “Lesa akupeshe, mwenyi.” Abyo byobyoy tuji: benyi.

. . . mubujimi,

³⁴⁷ Lesa akupeshe, mwenyi. Lesa emupeshe, tubena kwenda na muntu yense. Lesa akupeshe, mulongo wami. Lesa akupeshe. [Kafwapo kijipo pa tepu—Waku.]

. . . mubujimi,


Pano twayai tusutule maboko etu.

Nkaya Nanji, oo, Nanji koosetu.

³⁴⁸ Twayai tukunyike mitwe yetu, na kwikepesha, mu milombelo. Kechi mwafwainwa kulubako ne, lukeelo keelo, sukuulu wa Pamulungu.

³⁴⁹ Mumusango umo nangwa mukwabo, Njina ng'umvwino ya Kyeenyi kyakwa Lesa mu muchima wami. Kekitu kyakosa bingi pakuuba mba ngye, bufuku buno, mumusango umo. Naumvwa namba Mupashi Wazhila waumvwa bingi lusekelo, bufuku buno. Kape tukekala na pwijilo yabaya bingi keesha, byo namona bantu kwiiya kwi Kilishitu, mwamona. Muntu umo wajikukumya mba kika kyo Nanji kubula kwichila lwito lwakitapisho. Amiwa pembelela poso Natangijilwa kwi kyuuba. Mwamona?

³⁵⁰ Naketekela mba bonse baji kusutula maboko abo, nangwa bajikwimana, Naketekela mba mukekala pa kipwilo kimo kyawama keesha, mukatoleko lubaji pa baitabila.

³⁵¹ Mukimye kyo twakunyika mitwe yetu, nsakwimpuzha kafunga kuno kupita kulutwe, inge wakonsha, kupalang'anya bantu. Lesa pano emupeshe, na mitwe yetu kabiji ne na michima byo twakunyika kumeso akwa Lesa. 

Jiwi Ja Kiyukilo KDE64-0321E
(The Voice Of The Sign)

Ino Mbila na Mulongo William Marrion Branham, yalupwilwe patanshi mu Kizungu pa Kibelushi mute, Kisaka 21, 1964, pa Denham Springs High School ku Denham Springs, Louisiana, U.S.A., byafumishiwa pa tepu ukwata ne kufyatula kabiji bya nembwa mu Kizungu kwa kubulwa kupimpulwa. Ino ntuntulwilo muki Kaonde ya nembelwe ne kusampanya na ba Voice Of God Recordings.

KAONDE

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org